

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

# **S T E N O G R A M**

**S SEDAMNAESTE SJEDNICE GRADSKOG VIJEĆA TUZLA ODRŽANE 07.  
JULA 2022. GODINE U POSLOVNOM OBJEKTU „GRAFIČAR“ S POČETKOM U  
10 SATI**

**- SJEDNICI PRISUSTVUJE 30 VIJEĆNIKA**

**U Tuzli, juli 2022. godine**

## **NATAŠA PERIĆ – predsjedavajući Gradskog vijeća Tuzla**

(Intoniranje himne Bosne i Hercegovine.) Poštovani vijećnici Gradskog vijeća Tuzla, obrađivači materijala, predstavnici medija, otvaram 17. redovnu sjednicu Gradskog vijeća Tuzla.

Konstatujem, da prema evidenciji Stručne službe Gradskog vijeća, sjednici prisustvuje 26 od ukupnog broja vijećnika.

Za današnju sjednicu svoj izostanak je najavio vijećnik Alen Ovčina, a kašnjenje su najavili vijećnik Damir Muratović i vijećnica Lejla Osmančević.

Obavještavam vijećnike da će Stručna služba Gradskog vijeća Stenogram i skraćenu verziju Zapisnika sa 16. redovne sjednice dostaviti na usvajanje na narednu sjednicu imajući u vidu da isti zbog kratkog vremenskog perioda između održavanja junske i julske sjednice Vijeća nisu mogli biti izrađeni do otpremanja poziva i materijala za današnju sjednicu Gradskog vijeća.

Za današnju 17. redovnu sjednicu Gradskog vijeća predlažem dnevni red koji ste dobili u materijalu za sjednicu.

Obavještavam vijećnike da je gradonačelnik Grada Tuzle kao predlagač 04. 07. 2022. godine dostavio obavijest da iz dnevnog reda 17. redovne sjednice Gradskog vijeća povlači prijedlog Odluke o radnom vremenu uprave Grada Tuzla. To imate u materijalima koje ste sad dobili.

Stavljam na izjašnjavanje dnevni red u cjelini i pozivam vijećnike da aktiviraju svoje uređaje i izjasne se o dnevnom redu današnje sjednice. Glasanje je okončano. Je li? (Jeste. Jeste.)

Konstatujem da je dnevni red u cjelini usvojen sa, 25 glasova za, nije bilo protiv i nije bilo suzdržanih.

### **D N E V N I R E D**

#### **1. VIJEĆNIČKA PITANJA I INICIJATIVE**

**2. RAZMATRANJE I USVAJANJE ODLUKE O DAVANJU PRETHODNE SAGLASNOSTI NADZORNOM ODBORU JP RPC TUZLA – INKUBATOR LIPNICA D.O.O. ZA IMENOVANJE VRŠIOCA DUŽNOSTI DIREKTORA DRUŠTVA**

**3. RAZMATRANJE I USVAJANJE ODLUKE O IZMJENAMA ODLUKE O RADNOM VREMENU OBJEKATA U OBLASTI TRGOVINE, UGOSTITELJSTVA, TURIZMA, OBRTNIČKIH I SRODNIH DJELATNOSTI NA PODRUČJU GRADA TUZLE**

#### **4. RAZMATRANJE I USVAJANJE:**

a) Odluke o prodaji idealnog dijela nekretnine u suvlasništvu Grada Tuzle putem javnog nadmetanja – licitacije (sa tekstom Javnog oglasa)

b) Rješenje o imenovanju Komisije za provođenje javnog nadmetanja – licitacije za prodaju idealnog dijela nekretnine u suvlasništvu Grada Tuzle putem javnog nadmetanja – licitacije

**5. RAZMATRANJE I USVAJANJE ODLUKE O DAVANJU SAGLASNOSTI ZA IZGRADNJU MOSTA NA NEKRETNINAMA U GRADU TUZLI PREKO RIJEKE SPREČE NA LOKALNOJ CESTI LJUBAČE-SUHA**

**6. RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2021. GODINU**

a) Tržnice-pijace d.o.o. Tuzla

b) JKP Vodovod i kanalizacija d.o.o. Tuzla

c) **Centralno grijanje d.d. Tuzla**  
**7. RAZMATRANJE I USVAJANJE IZVJEŠTAJA O RADU JZU GRADSKE**  
**APOTEKE TUZLA, ZA 2021. GODINU**  
**8. RAZMATRANJE IZVJEŠTAJA KOMISIJE ZA IZBOR I IMENOVANJA**  
**9. TEKUĆA PITANJA**

Prelazimo na realizaciju Dnevnog reda današnje sjednice Gradskog vijeća.

Krećemo sa **VIJEĆNIČKIM PITANJIMA**

Vijećničko pitanje vijećnica Selma Čatibušić Platforma za progres. Izvolite, a neka se pripremi vijećnik Čavalić.

**SELMA ČATIBUŠIĆ – vijećnik Platforme za progres**

Možel Admir prije mene? (Molim?) Možel Admir prije mene?

**NATAŠA PERIĆ**

Može. Admire izvolite.

**ADMIR ČAVALIĆ – vijećnik Stranke za Bosnu i Hercegovinu**

Hvala puno predsjedavajuća. Ja sam pripremio tri vijećnička pitanja.

Prvo vijećničko pitanje:

- Zanima me ko sve dobija besplatne ulaznice, odnosno ima besplatan ulaz za kompleks Panonskih jezera? Zamolio bih za spisak svih kojima je u protekle tri godine omogućen besplatan ulaz na Panonska jezera.

Zašto navodim ovo pitanje? Vi se dobro sjećate prošlu sjednicu sam malo aktuelizirao u vezi navedenog a onda sam dobio niz nekih upita građana, mejlova, poruka na fejbuk gdje građani kažu da ima na stotine, dvjesto i više ljudi koji tako ulaze besplatno i koji nisu vezani uopšte za Gradsko vijeće, za gradonačelnika već neki drugi ljudi. Tako da bi ja volio samo da se ove informacije provjere. Moje informacije su neformalne. Mislim da nije to tako. Ali evo volio bih samo da dobijem zvanično ovaj spisak da li postoje takvi pojedinci?

Drugo pitanje:

- Kada se planira završiti rekonstrukcija cijevi za potrebe sistema daljinskog grijanja u naselju Slavinovići i da li se ovi radovi mogu ubrzati?

Mještani ovog naselja su mi pisali. Dakle, dosta je problema. Periodični nestanci vode, izuzetna prašina zbog radova. Ovo posebno pogađa djecu, porodice sa manjom djecom koji imaju potrebu za vodom i sl., ali i sve ostale mještane.

Dakle, samo je pitanje za Centralno grijanje Tuzla kada će se ovo završiti, jel imamo neki rok?

I zadnje pitanje odnosi se na naselje Plane ja sam tu priložio i fotografije:

- Zanima me kada je planirana rekonstrukcija puta u naselju Plane i kada će sistem centralnog grijanja proširiti ovo naselje?

Dostavljam ove fotografije. Vidite put opet u katastrofalnom stanju, a s druge strane dakle, znamo da je Šićki Brod toplificiran a Plane nisu.

Mještani su mi interesantno naveli jednu posebnu stvar. Kažu da bi bilo dobro da se ove godine to uradi razumijevajući da upravo iz Plana možda ćemo imat ako Bog da budućeg

je li predsjednika Bosne i Hercegovine i on dolazi s te mjesne zajednice, pa kažu bilo bi dobro da se prvo riješi mjesna zajednica pa onda država. Hvala.

### **NATAŠA PERIĆ**

U redu hvala. Sljedeća vijećnica Selma Ćatibušić. Neka se pripremi vijećnik Mehmedinović.

### **SELMA ĆATIBUŠIĆ**

Evo ovako. Dobar dan svima.

Moje pitanje je usmjereno Službi za opću upravu i zajedničke poslove i Službi za boračko-invalidsku zaštitu, stambene poslove, i integraciju raseljenih lica.

Tražim da mi se po osnovu Zakona o slobodi pristupa informacijama Federacije Bosne i Hercegovine dostave tačne informacije o tome:

- Koji je broj stanova u vlasništvu ili posjedu Grada Tuzle stećena po bilo kom osnovu;
- Na kojim tačno adresama se isti nalaze;
- Koliko je trenutno takvih praznih stanova;
- Ko (imenom i prezimenom) trenutno koristi te stanove;
- Od kada ih koristi (tačan datum) ulaska u stan;
- Na osnovu kojeg Pravilnika su ti stanovi dodjeljivani?

Također tražim da mi se dostavi informacija da li postoji određena naknada koju su korisnici dužni plaćati Gradu Tuzla za korištenje tih stanova;

- i koliko ona iznosi;
- Da li oni redovno izmiruju te obaveze;
- Da li Grad Tuzla vodi računa da li su ostale režije plaćene (pogotovo one koje se odnose na javna preduzeća Grada Tuzle)
- U slučaju dugovanja od koga će se ista ta potraživanja moći nadoknaditi;
- Da li se ikada vršila provjera ili neki drugi (makar godišnji) pregled da li korisnici tih stanova vode računa o istima, te da li su propisane sankcije za eventualnu štetu;
- I na kraju da li su prazni stanovi useljivi, i također da li se vrši redovna dezinfekcija, deratizacija i druge važne radnje da bi se isti na pravi način održali/sačuvali od propadanja i drugih oblika neke eventualne štete?

Nekoliko puta sam postavljala ova ili slična pitanja međutim nikad nisam dobila konkretne odgovore, te molim i zahtjevam da mi se dostave taksativno ovi odgovori ili ću se morat obratiti nekim drugim instancama. Hvala.

### **NATAŠA PERIĆ**

U redu. Vijećnik Senad Mehmedinović. Neka se pripremi vijećnik Anel Ibeljić.

### **SENAD MEHMEDINOVIĆ – vijećnik Pokreta demokratske akcije**

Dobar dan svima.

Vijećničko pitanje Službi za inspeksijske poslove.

– Koliko imate zaposlenih na neodređeno vrijeme?

Obrazloženje:

Kroz komunikaciju koju imam sa građanima, a i nakon određenih dodatnih razgovora, dobio sam informaciju da Služba zbog malog broja zaposlenih nije u mogućnosti u punom kapacitetu postupati po prijavama građana. Stoga, molim Službu da mi dostavi informaciju

koliko imaju zaposlenih po različitim inspektoratima? Takođe, molim i da dostave informaciju da li je neophodno zapošljavanje novih radnika u Službi, te da li su planirana nova zapošljavanja u ovoj godini? Hvala.

**NATAŠA PERIĆ**

U redu hvala. Vijećnik Anel Ibeljić.

**ANEL IBELJIĆ – vijećnik Socijaldemokratske partije**

Prilažem.

**NATAŠA PERIĆ**

Prilažete. Vijećnik Ćerim Rastoder. Izvolite.

**ĆERIM RASTODER - zamjenik predsjedavajućeg Gradskog vijeća Tuzla,  
- samostalni vijećnik**

Uvažena predsjedavajuća, kolegice, kolege ja imam jedno kratko pitanje zanima me, koje je upućeno Službi za komunalne poslove.

– Zanima me dokle je stiglo zahtjev Savjeta Mjesne zajednice Solana po pitanju rješavanja ucjevljenja sedamdesetak metara dužine kanalizacije u ulici Alije Ibrića?

**NATAŠA PERIĆ**

U redu hvala. Vijećnik Alen Kapidžić.

**ALEN KAPIDŽIĆ – vijećnik Socijaldemokratske partije**

Hvala. Pa s obzirom da, da sam imao veliki broj poziva naših sugrađana vijećničko pitanje upućujem Javnoj ustanovi „Naše dijete“ a vezano je za konkurs koji je raspisan za prijem i upis djece u ovu javnu ustanovu.

U razgovoru s građanima dolazim do pitanja koja želim da postavim ovoj javnoj ustanovi.

– Znači, interesuje me kada je raspisan konkurs za upis djece u Javnu ustanovu „Naše dijete“? Pod jedan.

Pod dva:

- Da li je mijenjan Pravilnik o prijemu djece u ustanovu?

Ako su mijenjali Pravilnik kad su mijenjali znači, datum kad su na kojoj sjednici su Upravnog odbora mijenjali Pravilnik i da li imaju saglasnost osnivača ako im je potrebno, a mislim da jeste? Pozivaju se na taj član zakona. Hvala.

**NATAŠA PERIĆ**

U redu hvala. Da li još neko ima vijećničko pitanje a nije priložio? Izvolite. Omer Berbić.

## **OMER BERBIĆ – vijećnik Naše stranke.**

Evo ja ću jedno pročitati, dva ću priložit.

– Zanima me da li postoji kazna za službu ukoliko se vijećnicima ne odgovori pravovremeno na pitanja? Znači, ogroman broj pitanja, na ogroman broj pitanja nismo dobili odgovore. Ovo pitanje je upućeno gradonačelniku Jasminu Imamoviću. Šta se radi u zaštiti integriteta Gradskog vijeća i vijećnika, da li ste namjerno pustili službe da ne obavljaju svoj posao iako znamo da je Gradsko vijeće instanca kojoj bi se bez odlaganja, nevezano na karakter pitanja trebalo odgovoriti i time zaštititi indirektnu volju 110.000 ljudi u ovome gradu?

Pozivam vas da ustrojite službe u odbrani demokratskog procesa te da zaštitite instituciju Gradskog vijeća mogućem podrugivanju unutar struktura službi koje ne odgovaraju. Podsjećam da su ovo prava definisana Poslovníkom o radu Gradskog vijeća, te Zakonom o državi Bosne i Hercegovine.

## **NATAŠA PERIĆ**

U redu. Da li još neko ima? Ako ne prelazimo...(ZIJAH RIFATBEGOVIĆ – Izvinjavam se. Ja imam jednu konstataciju. Može i pitanje, može i inicijativa, pa mogu i sad, mogu i na kraju inicijativa.

## **NATAŠA PERIĆ**

Ako je inicijativa onda stavite kod...

## **ZIJAH RIFATBEGOVIĆ – vijećnik Stranke demokratske akcije**

Nije, nije ništa kako bih rekao, evo mogu reći i sad. Htio bih samo zamoliti. Pa eto nek bude i kao pitanje. 11. 07. obilježava se i ukopavaju se žrtve genocida u Srebrenici. Prošli jedanaesti je proglašen na nivou Federacije kao i svi preostali 11. 07. i ubuduće nadam se da će tako biti Danom žalosti u Federaciji. Na žalost prošle godine se je čula glasna muzika u pojedinim javnim lokalima ovdje u gradu Tuzli koja nije prikladna Danu žalosti u Bosni i Hercegovini pa vas molim da apelujemo na javne objekte i javne lokale da se pridržavaju zakonske odredbe, a to je Dana žalosti i da se...Dan žalosti nije samo u momentu dok traje ceremonija ukopavanja žrtava genocida i vjerski obred, nego i kad se završi do 24 sata. Prošli put se to nije ispoštovalo.

Zamoljen sam od strane građana da to kažem ovdje na sjednici, pa vas molim evo da skrene se pažnja da 11. 07. je Dan žalosti i da u lokalima do 24 sata ne bi trebala biti muzika koja nije prikladna Danu žalosti.

## **NATAŠA PERIĆ**

Službe će reagovati na ovo. (ZIJAH RIFATBEGOVIĆ – E hvala vam ljepa.) Reagovat će službe. (ZIJAH RIFATBEGOVIĆ – Hvala vam ljepo.)

## **NATAŠA PERIĆ**

Prelazimo na VIJEĆNIČKE INICIJATIVE.

Molim samo kratko da obrazložite. Samo malo. Platforma za progres. Selma Čatibušić. Izvolite. Samo isključite molim vas. (ZIJAH RIFATBEGOVIĆ – Izvinjavam se.)

## SELMA ČATIBUŠIĆ

Bit ću veoma kratka.

- Prva vijećnička inicijativa odnosi se na postavljanje dva usporivača brzine u naselju Solina (od čitaonice prema školi).

Znači, tu zaista svakim danom vozači tako brzo voze jel vide pravac i stalno se dešavaju neke nesreće. U kontaktu sa Savjetom mjesne zajednice kao i drugim građanima zamoljena sam da delegiram opet ovu inicijativu i eto molim da se što prije realizira da ne bi došlo do nekog ozbiljnog nesretnog slučaja.

- Druga vijećnička inicijativa odnosi se na potencijalno razmatranje za stavljanje kafića „Klub Zmajevog srca“ Tuzla u protokol prilikom zvaničnih posjeta gradu.

Značaj konkretno ovog kafića je višestruk od toga da se radi je li o inkluziji davanju jednakih prilika našim sugrađanima bez obzira na određene teškoće, te smatram da bi ovako jedna, jedna simbolična podrška svakako dala na značaju ne samo ovom kafiću nego uopšteno samoj inkluziji i borbi za jednaka prava u našem gradu i da bi na neki način grad Tuzla postao primjer da i druga mjesta, drugi gradovi se posluže istim primjerom i evo počnu raditi na tome.

I treću vijećničku inicijativu priložit ću je li ovako usmeno.

- Zamoljena sam da na neki način reagujem tj. da od inspekcija zahtjevam da izađu na teren. Konkretno na našem najvećem trgu u gradu. Svakako razumijem da je ono što se kaže besparica, da ulični prodavači žele da zarade hljeb i sve to. Međutim, sve one klupe na centralnom trgu su zapravo potpuno zauzete gdje ulični prodavači je li redaju svoje stvari koje žele da prodaju i konkretno juče ljudi nisu imali uopšte gdje da sjednu, gdje da odmore. Nekoliko puta je oko toga se desio određeni problem, pa eto voljela bi da se na neki način reaguje, ali isto tako da se opet uzme u obzir da ne budemo je li ekstremni u nekim tim kaznama jer znamo koliko je teško danas zaraditi za veknu hljeba, nego eto da, da Grad Tuzla uradi najbolje što je moguće. Hvala.

## NATAŠA PERIĆ

U redu hvala. Vijećnik Čavalić. Izvolite.

## ADMIR ČAVALIĆ

Hvala puno predsjedavajuća. Ja imam tri vijećničke inicijative.

Prva inicijativa je:

- Da se postave dodatne kante za smeće u naselju Stupine.

Znamo da na Stupinama dakle, dosta je visoka frekvencija pješaka. Dolaze iz drugih mjesnih zajednica ljudi da popiju kafu. Dobra je ugostiteljska ponuda, ali je na žalost dakle, pješačke zone nemaju dodatne klupe, ove kante uglavnom su kante blizu dječijeg igrališta. Bilo bi dobro dakle da in proširimo na pješačke zone i mislim da će to značajno unaprijedit kvalitet života u ovoj mjesnoj zajednici.

Dalje.

- Da tokom ljetnih mjeseci imamo redovnu patrolu (jedan ili dva policajca) na Korzu. Ovo je nešto slično kao što je Selma govorila. Potez od Ismeta i Meše pa sve do skvera. Čisto da tu se kreću od 19 i 30 do 22 i 30, a kako bi imali malo više reda na Korzu. Velika frekvencija je pješaka. Bilo bi dobro dakle, da imamo policiju čisto simbolički da, da uvede neki red i mir.

I zadnja inicijativa:

- Da se postavi znak upozorenja „Škola u blizini“ (ili pripadajući saobraćajni znak) na raskrsnici u ulici Armije BiH i vojnih lamela i to iz svih pravaca, te da se produži interval

zelenog svjetla na semaforu za pješake na datoj raskrsnici. Ovo je upućeno Saobraćaju i komunikacije Tuzla.

Znamo tu i da je osnovna škola. Dosta djece prelazi ulicu a generalno dakle, pješaci nemaju dovoljno vremena da pređu, a imamo brze vozače. Jedna do dvije sekunde samo da se produži zeleno svjetlo i da se postave ovi znakovi. Hvala puno.

## **NATAŠA PERIĆ**

Hvala. Vijećnik Senad Mehmedinović. Izvolite.

## **SENAD MEHMEDINOVIĆ**

Hvala ljepo.

Prva inicijativa je ka komunalcu.

- Inicijativa za orezivanje ili sječú stabla u naselju Slatina.

U naselju Slatina, u ulici Albina Herljevića, nedavno je prilikom vremenskih neprilika došlo do rušenja stabla, koje je moglo povrijediti građane ali isto tako oštetiti automobile koji su bili parkirani u blizini. Obzirom da postoji mogućnost da uslijed jakog nevremena i druga stabla, dođe do pucanja i drugih stabala, podnosim inicijativu da se što prije stablo sasječe ili skрати u ulici Albina Herljevića broj 6.

Sljedeća inicijativa je Službi za komunalne poslove, izgradnju i poslove mjesnih zajednica.

– Inicijativa za hitno saniranje pukotina mermernih ploča sa epitafima na Trgu Slobode.

Trg Slobode je jedan od najposjećenijih trgova u Tuzli na čijem prostoru se nalazi rekonstruisana zgrada Barok iz austrougarskog perioda. Prostor je uređen za druženje i različite manifestacije, a u ljetnom periodu veći je broj samim time i djece koja borave i igraju se na Trgu. Pored centralnog mjesta koje zauzima velika Fonta, nisu zanemarive mermerne ploče na kojima su uklesani epitafi sa srednjovjekovnih nadgrobnih spomenika. Upravo na tim mermernim pločama građani se žale na puknuća iz koje izlaze bube i žohari i obzirom da su mermerne ploče tople u puknućima se mogu zavući i zmiije, a nije nepoznato da se djeca upravo igraju na tom prostoru. U svrhu zaštite naših građana i djece, podnosim inicijativu da se pod hitno saniraju pukotine mermernih ploča na Trgu Slobode.

I treća inicijativa je Stručnoj službi za poslove gradonačelnika.

– Inicijativa za potpisivanje sporazuma o saradnji između Grada Tuzle i Univerziteta u Tuzli.

Obrazloženje:

Odlukom Skupštine Opštine Tuzla od 15. aprila 1975. godine imenovan je Inicijativni odbor za osnivanje Univerziteta sa 104 člana i predsjednikom, akademikom, Ismetom Mujezinovićem. Sprazum o udruživanju u Univerzitet potpisan je 18. novembra 1976. godine u Sarajevu, a svečanost povodom početka rada održana je 18. decembra u Tuzli. Danas, porodicu Univerziteta čini 12 fakulteta i jedna akademija zajedno sa Studentskim centrom. Shodno historijskoj činjenici da je Odlukom Skupštine Opštine Tuzla imenovan Inicijativni odbor za osnivanje Univerziteta, te da danas imamo preko 10.000 studenata na različitim fakultetima, podnosim inicijativu da se na obostrano zadovoljstvo i budući zajednički rad na realizaciji različitih projekata potpiše sporazum o saradnji između Grada i Univerziteta. Manifestacije „Ljeto u Tuzli“ kao i Ljetni Univerzitet, kao i druge mogu biti potsticaj za potpisivanje sporazuma o saradnji, ali i početni korak za jačanje buduće saradnje. Hvala.



**NATAŠA PERIĆ**

U redu hvala. Sljedeća vijećnička inicijativa. Vijećnik Admir Hasanbašić. Izvolite.

**ADMIR HASANBAŠIĆ – vijećnik Tuzlanske alternative**

Hvala predsjedavajuća.

Za današnju sjednicu ja sam pripremio jednu vijećničku inicijativu a to je:

- Inicijativa za produžetak postojećeg trotoara prema dvorištu Osnovne škole „Brčanska Malta“ i njegovo povezivanje sa postojećim pješačkim prelazom.

Obrazloženje prilažem.

**NATAŠA PERIĆ**

U redu hvala. Sljedeća vijećnička inicijativa. Vijećnik Ibeljić.

**ANEL IBELJIĆ**

Prilažem.

**NATAŠA PERIĆ**

Prilažete. Sljedeća vijećnička inicijativa. Nikica Vidović. Izvolite.

**NIKICA VIDOVIĆ – vijećnik Hrvatske demokratske zajednice BiH**

Hvala. Sve vas ljepo pozdravljam.

Podnosim dvije vijećničke inicijative.

Prva:

- Kojom se poziva nadležna služba i gradonačelnik Tuzle da ispita mogućnost izgradnje parkinga u ulici Rade Peleša broj 3 (kod male tržnice) jer rekonstrukcijom prometnice stanari su izgubili prostor za parkiranje a ujedno rješavanje prostora za kontejnere.

Obrazloženje:

Stanovnici Tuzle žele čišći zrak, bez neugodnih mirisa i veću kvalitetu života. Rekonstrukcijom prometnice u ulici već navedenoj stanovništvo je ostalo bez parking prostora. Inicijativom se pozivaju nadležni da iznađu mogućnost rješavanja novonastale situacije i nemogućnosti parkiranja. Stanovnici su spremni i na godišnje karte ili slično rješenje kao u Bankerovoj s posebnom potvrdom. Ujedno riješiti kontejnere za smeće jer već iz poznatih razloga izazivaju smrad i nelagodu. Koliko smo upoznati već je pisano o navedenom problemu.

Tražim i očekujem da nadležna Gradska služba i gradonačelnik, razmotre ovu inicijativu te žurno pristupi realizaciji.

Druga:

- Kojom se poziva nadležna služba u saradnji sa JKP Vodovod i kanalizacija i drugim poduzećima iznađe rješenje za rješavanje dugogodišnjeg problema Moluškog potoka u Solani u ulici Admira Dedića između brojeva 2 i 4 u duljini i u duljini oko 130 metara.

Modernizacija grada i povećanje kvaliteta života svima nam je prioritet i podnesena inicijativa bi uveliko unaprijedila navedeno.

Stanovnici Tuzle žele imati vodu, kanalizaciju pogotovo u naseljima gdje imamo svu infrastrukturu i za mala novčana sredstva možemo riješiti dugogodišnji problem. Dugogodišnji probleme o kome se govori i u više vijećničkih mandata trebalo bi što prije riješiti a odnosi se

na Moluški potok u Solani u ulici Admira Dedića između brojeva 2 i 4 i naravno u duljini od 140 metara od privatnih domova, trgovine pa do Elira. Poznato je da su mnoge otpadne vode spojene u navedeni potok, moguća je zaraza a o detaljima iz ljetnog perioda da i ne govorimo. Kanal je potrebno betonirati ili na drugi način riješiti problem, ako nije moguće u cjelosti betonirati u jednoj fazi, betonirati u fazama po 30 metara ili sl. Navedeni potok čini štete koje su, kada su obimnije padavine.

Realizacija ove inicijative o kojoj se pisalo, već sam naveo u mnogim mandatima vijećnika bi dovelo do povećanja kvaliteta života. Unaprijed zahvaljujem.

## **NATAŠA PERIĆ**

U redu hvala. Vijećnik Ćerim Rastoder. Izvolite.

## **ĆERIM RASTODER**

Hvala.

- Moja inicijativa se odnosi na sagledavanje mogućnosti nabavke i postavljanja četiri betonske klupe na sportskom igralištu u Moluhama.

Naime, u Moluhama se nalazi sportsko igralište (koje je sagrađeno od strane gradske uprave) i ono je u jako dobrom stanju. Beton je dole. Čelična ograda je okolo i na tom igralištu su nekada bile postavljene četiri drveno-željezne klupe koje su otuđene. Sada nema nikakvih klupa, pa ja predažem da se postave betonske kako se ne bi mogle otuđivati a ujedno bi koristile i za roditelje da mogu sjesti kad dovedu djecu malu za sport itd. Pa evo to je moja inicijativa. Znači, da se po mogućnosti nabave te betonske klupe i postave. Hvala.

## **NATAŠA PERIĆ**

U redu hvala. da li još neko ima inicijativu a nije priložio? (OMER BERBIĆ – Imam ja.) Aha. Vijećnik Berbić. Izvolite.

## **OMER BERBIĆ**

Evo moja prva inicijativa je:

- Da se uklone reklame firmi koje više ne postoje.

Imamo takve na mnogo lokacija u gradu Tuzla, ali evo ja sam izdvojio jednu odmah ispred spomenika Husinskom Rudaru koja zaista i kvari pogled i bespotrebno tamo stoji na, na Husinskog Rudara.

Druga je:

- Da se daju slobodni gradski stanovi mladim bračnim parovima.

Neformalno smo dobili neke informacije da ima preko 10 slobodnih gradskih stanova. Da ima još preko 100 stanova koji su podjeljeni na ovaj ili na onaj način ljudima koji i jesu u mogućnosti da sebi priušte stan koji treba da plaćaju naravno po tržišnoj cijeni, ali i ljudima koji su vjerovatno valjali politički u nekom momentu gradonačelniku i toj ekipi. Tako da evo ovo što ima slobodnih stanova, a naravno napraviti ćemo reviziju čim budemo mogli ovo ostalo kome se dalo izaćemo sa imenima.

I treće je:

- Da se kablovi koji vise u centru grada spuste ispod zemlje.

Ja sam prije nekih 10 godina bio u Indiji. Centar grada liči malo na Indiju sa tim kablovima. Znamo i to se sad koristi za neko vješanje ovih zastavica itd. što nema apsolutno nikakve, nikakve funkcije. Tako da evo ja dajem inicijativu da se ovi kablovi. Vrlo je

jednostavno to sprovesti u djelo. Da se umjesto što više po centru grada i prave ruglo spuste ispod zemlje i samim tim se evo jednim jednostavnim potezom uljepša centar grada. Hvala ljepo.

## **NATAŠA PERIĆ**

U redu hvala.

Prelazimo na drugu tačku Dnevnog reda:

### **RAZMATRANJE I USVAJANJE ODLUKE O DAVANJU PRETHODNE SAGLASNOSTI NADZORNOM ODBORU JAVNOG PREDUZEĆA RAZVOJNO PODUZETNIČKI CENTAR TUZLA – INKUBATOR LIPNICA D.O.O. ZA IMENOVANJE VRŠIOCA DUŽNOSTI DIREKTORA DRUŠTVA**

Predlagač je Nadzorni odbor Javnog preduzeća RPC Tuzla – Inkubator Lipnica d.o.o. Tuzla.

Obrađivač je Nadzorni odbor Javnog preduzeća RPC Tuzla – Inkubator Lipnica d.o.o. Tuzla i Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

I stavljam na izjašnjavanje ODLUKU O DAVANJU PRETHODNE SAGLASNOSTI NADZORNOM ODBORU JAVNOG PREDUZEĆA RPC TUZLA – INKUBATOR LIPNICA D.O.O. ZA IMENOVANJE VRŠIOCA DUŽNOSTI DIREKTORA. Molim vijećnike da se izjasne. Glasanje je okončano.

Konstatujem da je ODLUKA O DAVANJU PRETHODNE SAGLASNOSTI NADZORNOM ODBORU JAVNOG PREDUZEĆA RPC TUZLA – INKUBATOR LIPNICA D.O.O. ZA IMENOVANJE VRŠIOCA DUŽNOSTI DIREKTORA DRUŠTVA usvojena sa,

25 glasova za, nije bilo protiv i nije bilo suzdržanih.

Sljedeća tačka:

### **RAZMATRANJE I USVAJANJE ODLUKE O IZMJENAMA ODLUKE O RADNOM VREMENU OBJEKATA U OBLASTI TRGOVINE, UGOSTITELJSTVA, TURIZMA, OBRTNIČKIH I SRODNIH DJELATNOSTI NA PODRUČJU GRADA TUZLE**

Predlagač je gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Imal potrebe za uvodnim izlaganjem? (Ima.) Ima. Molim Zijada Lugavića pomoćnika gradonačelnika Službe za ekonomski razvoj, poduzetništvo i poljoprivredu. Izvolite.

## **ZIJAD LUGAVIĆ - pomoćnik gradonačelnika za Službu za ekonomski razvoj, poduzetništvo i poljoprivredu**

Hvala ljepo predsjedavajuća. Sve vas srdačno pozdravljam. Dakle, obzirom da je prošle godine donesena ova Odluka i da je njena primjena počela od ove godine u implementaciji smo došli i uvidjeli da Odluka o radnom vremenu koja je usvojena ima određenih pravnih praznina. Te pravne praznine prvenstveno su se odnosile sezonsko radno vrijeme gdje je bilo definisano ljetno i zimsko radno vrijeme, te smo onda u analizi ovakvog stanja sa Službom za inspeksijske poslove došli do činjenice da je lakše definisati radno vrijeme ugostiteljskih objekata na način kako je to je li evo i u zakonu rečeno, a to je da ugostiteljski objekti mogu da rade prema Zakonu o ugostiteljskoj djelatnosti Tuzlanskog kantona do 23 sata redovno radno vrijeme, a da jedinica lokalne samouprave može to radno vrijeme produžiti još za tri sata.

Dakle, ovom Odlukom smo mi predložili da to radno vrijeme traje tokom čitave godine i može da bude od šest ujutru do dva ujutru sljedećeg dana. Tako da smo ovdje dali širi dijapazon svim onima ugostiteljskim objektima koji žele da rade duže radno vrijeme, da na osnovu ovog zakona i ove odluke mogu to da rade bez podnošenja zahtjeva za odobravanje sezonskog radnog vremena.

Na ovakav način stvaramo povoljniji uslov za razvoj ugostiteljske djelatnosti i razvoj turizma, razvoj svih drugih komplementarnih djelatnosti koji su u vezi sa ovom djelatnosti s jedne strane uz istovremeno dakle, obavezu svih ugostiteljskih subjekata da moraju apsolutno poštivati sve zakonom propisane jel tako odredice a koje su vezane opet za Zakon o javnom redu i miru, Zakon o zaštiti od buke i evo ovu Odluku o radnom vremenu. (NATAŠA PERIĆ – U redu.) Evo ovo bi bilo samo kako to pravnici vole da kažu popunjavanje pravnih praznina u odnosu na prethodnu, prethodnu odluku. Eto.

### **NATAŠA PERIĆ**

U redu. hvala vam.

Imal potrebe da se pročitaju izvještaji komisija? (Nema.)

Otvaram raspravu klubova vijećnika. Vijećnik Omer Berbić. Izvolite.

### **OMER BERBIĆ**

Evo hvala ljepo. Želim prvo da pozdravim i ove odluke i sve napore koje ova Služba daje što se tiče samih privrednika odnosno, odnosno ljudi u turizmu u ugostiteljstvu itd. koji stvarno zadnje dvije-tri godine muku muče da izađu na, na zelenu granu što se kaže i oko korone i oko svega ostalog što ih je, što ih je zadesilo i mislim da je ovo jedan dobar korak naprijed.

Međutim, ono što najviše trenutno smeta po mojoj. Po informacijama koje ja imam od strane ugostitelja i njihovog udruženja itd. jeste činjenica da se nakon 11 sati, da nakon 11 sati policija dođe u ugostiteljski objekat i bez mjerenja decibela natjera ugostiteljske objekte da ukinu muziku koja i drži ugostitelje na životu i gdje naravno građani mogu da uživaju. I u tom kontekstu Tuzla stvarno kaska za ostalim pod navodnicima turističkim gradovima gdje muzika može da ide do dva-tri-četiri ukoliko je, ukoliko je decibelno, ukoliko je decibelno to okej.

E sad. Ja znam da ovo nije nadležnost Gradskog vijeća. Međutim, Gradsko vijeće Grada Tuzle kao centra kantona, kao glavnog grada Tuzlanskog kantona može da donese jedaan zaključak koji bi išao prema Kantonalnom ministarstvu, a gdje bi Kantonalno ministarstvo samo u jednoj tački izmjenilo svoj zakon što bi dopustilo ugostiteljima koji poštu-ju zakonom propisane mjere da rade duže od onih koji ne poštuju zakonom propisane mjere što bi faktički

značilo da bi to bila jedna vrsta pozitivne diskriminacije i da se smanji muzika tamo gdje sada ugostitelji ne gledaju na kazne, ali i da se ugostiteljima koji poštuju zakon kantona produži radno vrijeme evo u skladu sa ovim odlukama koje Gradsko vijeće danas i usvaja i prije toga je usvojilo da je radno vrijeme do dva ili do tri ljeti.

Tako da evo ja predlažem ovdje jedan zaključak: Da Gradsko vijeće zahtjeva, zahtjeva od kantona i ministrice da razmotri izmjenu zakona u smislu da policija nosi baždarene decibelmetre ukoliko dolaze u ugostiteljske objekte nakon 23 sata, te da po izmjerenim visinama tona izriče mjere ili kazne.

To bi bila izmjena zakona samo u tom jednom članu, a koja bi ja mislim zaista pomogla ugostiteljima koji poštuju i odluke Gradskog vijeća ali koji poštuju i Kantonalni zakon. Da sada dođe policija bez obzira da li je muzika izuzetno tiha ili je muzika izuzetno glasna izriče istu mjeru ili kazne ili zabrane daljnjeg rada te noći.

Tako da evo to je, to je jedan moj pokušaj da utičemo na kanton i da izađemo u susret udruženju ugostitelja našeg grada što mislim da bi bio jedan pozitivan pomak i u turističkom i u svakom ugostiteljskom itd., u svakoj drugoj oblasti u gradu Tuzla. Hvala ljepo.

## **NATAŠA PERIĆ**

Hvala. Da li se još neko javlja ispred klubova vijećnika?

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje ODLUKU O IZMJENAMA ODLUKE O RADNOM VREMENU OBJEKATA U OBLASTI TRGOVINE, UGOSTITELJSTVA, TURIZMA, OBRTNIČKIH I SRODNIH DJELATNOSTI NA PODRUČJU GRADA TUZLE. Molim vijećnike da se izjasne. Glasanje je okončano.

Konstatujem da je ODLUKA O IZMJENAMA ODLUKE O RADNOM VREMENU OBJEKATA U OBLASTI TRGOVINE, UGOSTITELJSTVA, TURIZMA, OBRTNIČKIH I SRODNIH DJELATNOSTI NA PODRUČJU GRADA TUZLE usvojena sa,

27 glasova za, nije bilo protiv i nije bilo suzdržanih.

Molim sekretara da pročita zaključak.

## **SLAĐANA KRAJINA – sekretar Gradskog vijeća Tuzla**

- Gradsko vijeće traži od resornog Ministarstva da dopusti ugostiteljima koji poštuju sve zakonske odredbe produženo radno vrijeme u skladu sa odlukama Gradskog vijeća Tuzla kao i da se inicira izmjena zakonskih odredbi u smislu da policija nosi baždarene decibelmetre te da onima koji krše propise, odnosno zakon o buci na licu mjesta izriče mjere i kazne. (vijećnik Omer Berbić govori bez uključenog mikrofona op.a.)

## **NATAŠA PERIĆ**

U redu. To se podrazumijeva. Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 23 glasa za, nije bilo protiv i 1 suzdržan.

Prelazimo na četvrtu tačku:

**RAZMATRANJE I USVAJANJE POD:**

**a) ODLUKE O PRODAJI IDEALNOG DIJELA NEKRETNINE U SUVLASNIŠTVU GRADA TUZLE PUTEM JAVNOG NADMETANJA – LICITACIJE (SA TEKSTOM JAVNOG OGLASA) I**

**b) RJEŠENJA O IMENOVANJU KOMISIJE ZA PROVOĐENJE JAVNOG NADMETANJA – LICITACIJE ZA PRODAJU IDEALNOG DIJELA NEKRETNINE U SUVLASNIŠTVU GRADA TUZLE PUTEM JAVNOG NADMETANJA – LICITACIJE**

Predlagač je gradonačelnik Grada Tuzla.

Obrađivač: Služba za geodetske i imovinsko – pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za izbor i imenovanja (pod b) i klubovi vijećnika.

Ima li potrebe za uvodnim izlaganjem? (Ima.) Ima. Molim pomoćnika gradonačelnika Jasminu Šimlešu da obrazloži, da uvodno izlaganje.

**JASMINA HASANEFENDIĆ – ŠIMLEŠA - pomoćnik gradonačelnika za Službu za geodetske i imovinsko – pravne poslove**

Poštovani vijećnice i vijećnici. Dakle, NA RAZMATRANJU JE ODLUKA O PRODAJI IDEALNOG DIJELA NEKRETNINE U SUVLASNIŠTVU GRADA TUZLE PUTE JAVNOG NADMETANJA-LICITACIJE. Naime, radi se o tome da je Grad Tuzla suvlasnik jednog objekta ovdje u, preko puta dakle, vijećnice i to u dijelu od 1/3. Kako smo u suvlasništvu i kako se radi o zaista o objektu u zaista lošem stanju tako smo je Grad i dužan da održava zajedno sa ostalim suvlasnicima objekat, odnosno nekretninu koja, koja mu je u vlasništvu.

Jedan od suvlasnika je pokrenuo postupak. Dakle, bilo je i rješenje nadležne inspekcije o tome da treba ukloniti dakle, ono što je, što predstavlja opasnost po, po sam objekat i po bezbjednost oko objekta i u tom smislu je doneseno rješenje koje je koliko sam čula već u drugostepenom postupku pred nadležnim, nadležnim ministarstvom. Međutim, s obzirom da Grad nema sredstva i da je ogroman novac u pitanju koji treba uložiti u tu nekretninu jedan od suvlasnika je pokrenuo postupak ili zajedničkog saniranja predmetnog objekta ili otkupa dijela suvlasništva Grada Tuzle.

Dakle, ovdje što se tiče Zakona o stvarnim pravima tu imamo jedno pravo i jednu obavezu koju smo dužni ispoštovati. Dakle, pravo svakog suvlasništva jeste prvo otkup, a naša obaveza je da mi vlasništvo moramo putem javnog nadmetanja i licitacije. Ovo je postupak, odnosno odluka koju smo predložili na način da ćemo mi ispoštovati zakonske odredbe koje se odnose na prodaju imovine u vlasništvu Grada Tuzle. Dakle, putem javnog nadmetanja i licitacije i na način da ćemo licitirati taj idealni suvlasnički dio, a kada dobijemo iz licitacije postignutu cijenu nju ćemo ponuditi najprije ostalim suvlasnicima. Ako ostali suvlasnici u zakonskom roku ne prihvate ponudu onda će pravo na otkup imati onaj ko je u postupku licitacije ponudio najveću cijenu. Eto.

**NATAŠA PERIĆ**

U redu hvala.

Da li ima potrebe da se pročitaju izvještaji komisija? (Nema.) (vijećnik Zijah Rifatbegović govori bez uključenog mikrofona op.a.) Evo samo da otvorim raspravu.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Zijah Rifatbegović. Izvolite.

### **ZIJAH RIFATBEGOVIĆ**

Najprije zahvaljujem se na ovom izjašnjenju. Ja nešto, nešto imam kako bih rekao je li nekog da kažem bazičnog znanja oko te imovinskog tog prava sticajem nekih drugih okolnosti.

Interesuje me ovaj idealno, idealan udio u vlasništvu. Ima idealan udio u vlasništvu jel tako? Ima alikvotni. Vi ste ovdje naveli idealan udio u vlasništvu što znači da su svi podjednako zastupljeni u nekretnini. Znači 1/3 i svi imaju isti udio, udio u vlasništvu? Jesam ja dobro rekao ovo što sam rekao? Jel tako? (NATAŠA PERIĆ – Možete samo. Evo...) Znači, idealno, idealan model koji ste vi rekli sad ovdje. Postoji idealan i alikvotni je li tako? Idealan podrazumijeva da svi imaju jednak udio u nekretnini. A ovdje imamo tri vlasnika jel tako? Mi smo suvlasnici, odnosno Gradsko vijeće, odnosno Grad Tuzla i dva vlasnika koji imaju is-to, istu količinu vlasništva kao što ima i Grad Tuzla. Jesam dobro ja? Nisam? (NATAŠA PERIĆ – Možete. Evo samo...) Hajde evo možete li mi pojasniti?

### **NATAŠA PERIĆ**

Ima li još nekih pitanja? Ako ne...

### **JASMINA HASANEFENDIĆ – ŠIMLEŠA - pomoćnik gradonačelnika za Službu za geodetske i imovinsko – pravne poslove**

Idealni alikvotni dakle to je isto. Dakle, ne moraju suvlasnički dijelovi biti jednaki svih suvlasnika. Ja mogu imat 1/3, vi možete imat 2/3. (ZIJAH RIFATBEGOVIĆ – Kod idealnog?) Kod idealnog dijela. Tako se zove idealni dio, ali ne moraju jednaki omjeri biti. Dakle, samo onda kad se sad... Samo onda kad se u određenim postupcima ne navede idealni dio, kad se kaže dijeli se na dijelove smatra se da su oni jednaki. A idealni dijelovi ne moraju biti jednaki. Ja mogu imat 1/30, vi možete imati 1/20. Dakle, ne. Ne moraju biti jednaki dijelovi suvlasnika. Ali ovdje mi imamo 1/3 suvlasništva na, na tom nekretninom. Dakle, naš idealni dio je 1/3 na cijelom nekretninom. (vijećnik Zijah Rifatbegović govori bez uključenog mikrofona op.a.)

### **NATAŠA PERIĆ**

Uključite. Mikrofon morate uključiti.

### **ZIJAH RIFATBEGOVIĆ**

Ostale 2/3 moraju biti, moraju biti podjednako zastupljene u vlasništvu kao što je i idealni dio. Kao što je idealni dio. I nisam, nisam. Dobro ja nisam od te struke. Nemojte mi zamjeriti, ali alikvotni dio ja sam mislio da je različit od idealno da to nije jedno te isto.

### **JASMINA HASANEFENDIĆ – ŠIMLEŠA - pomoćnik gradonačelnika za Službu za geodetske i imovinsko – pravne poslove**

Ne. Dakle, mi imamo 1/3, a 2/3... (NATAŠA PERIĆ – Isključite vi.)

Dakle, u ovom slučaju konkretno Grad ima 1/3 idealnog dijela, a ostale 2/3 imaju drugi suvlasnici evo. (vijećnik Zijah Rifatbegović govori bez uključenog mikrofona op.a.)

**NATAŠA PERIĆ**

Molim vas. Morate uključiti ako ćete pitat. (vijećnik Zijah Rifatbegović govori bez uključenog mikrofona op.a.) Jasmina isključi. Samo malo vijećniče. (SLAĐANA KRAJINA – Ne možete u isto vrijeme zbog stenograma.) Ne možete u isto...Ja. samo malo. (vijećnik Zijah Rifatbegović govori bez uključenog mikrofona op.a.) Pa evo dala je objašnjenje. (vijećnik Zijah Rifatbegović govori bez uključenog mikrofona op.a.) Dala je objašnjenje. (Jasmina Hasanefendić – Šimleša govori bez uključenog mikrofona op.a.) Jasmina uključi mikrofon.

**JASMINA HASANEFENDIĆ – ŠIMLEŠA - pomoćnik gradonačelnika za Službu  
za geodetske i imovinsko – pravne poslove**

Suvlasnički dijelovi se zovu idealni dijelovi dakle, to im je naziv idealni dijelovi. Dakle, oni mogu biti jednaki i ne moraju biti jednaki. Razumijete li? Nas deset možemo...(ZIJA RIFATBEGOVIĆ - Ali onda, onda nije 1/3 jel?) Jeste. Mi imamo 1/3. 1/3. (ZIJA RIFATBEGOVIĆ - A kako su 2/3 podjeljene onda?) Evo ovako. (NATAŠA PERIĆ – Molim vas samo malo.)

Evo sad ću ja vama. Grad Tuzla ima idealni dio od 1/3. Kahrimanović Nedžad ima 1/3. Delić Adnan ima 7/3. Delić Duda ima 1/30. (ZIJA RIFATBEGOVIĆ – U redu je. Sad...) (NATAŠA PERIĆ – Jasno je jasno.) (ZIJA RIFATBEGOVIĆ – Sad je u redu.) Okej.

**NATAŠA PERIĆ**

Jasmina hvala. (Ništa molim.)

**ZIJA RIFATBEGOVIĆ**

U redu je. Hvala vam. Sad sam. Sad sam skonto.

**NATAŠA PERIĆ**

Hvala Jasmina. (vijećnik Zijah Rifatbegović govori bez uključenog mikrofona op.a.) Tako je doktore.

Zaključujem raspravu vijećnika.

Stavljam na izjašnjavanje ODLUKU O PRODAJI IDEALNOG DIJELA NEKRETNINE U SUVLASNIŠTVU GRADA TUZLE PUTEM JAVNOG NADMETANJA – LICITACIJE (SA TEKSTOM JAVNOG OGLASA) I

RJEŠENJA O IMENOVANJU KOMISIJE ZA PROVOĐENJE JAVNOG NADMETANJA – LICITACIJE ZA PRODAJU IDEALNOG DIJELA NEKRETNINE U SUVLASNIŠTVU GRADA TUZLE PUTEM JAVNOG NADMETANJA – LICITACIJE.

Molim vijećnike da se izjasne. Glasanje je okončano.

Konstatujem da su odluka i rješenje usvojeni sa, 23 glasa za, nije bilo protiv i 2 suzdržana.

Prelazimo na petu tačku Dnevnog reda:



**RAZMATRANJE I USVAJANJE ODLUKE O DAVANJU SAGLASNOSTI ZA IZGRADNJU MOSTA NA NEKRETNINAMA U GRADU TUZLI PREKO RIJEKE SPREČE NA LOKALNOJ CESTI LJUBAČE-SUHA**

Predlagач je gradonačelnik Grada Tuzla.

Obrađivač: Služba za geodetske i imovinsko – pravne poslove a materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

Imal potrebe za uvodnim izlaganjem?

Imal potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje ODLUKU O DAVANJU SAGLASNOSTI ZA IZGRADNJU MOSTA NA NEKRETNINAMA U GRADU TUZLI PREKO RIJEKE SPREČE NA LOKALNOJ CESTI LJUBAČE-SUHA. Molim vijećnike da se izjasne. Glasanje je okončano.

Konstatujem da je ODLUKA O DAVANJU SAGLASNOSTI ZA IZGRADNJU MOSTA NA NEKRETNINAMA U GRADU TUZLI PREKO RIJEKE SPREČE NA LOKALNOJ CESTI LJUBAČE-SUHA usvojena sa,

24 glasa za, nije bilo protiv i 1 suzdržan.

Pauza 10 minuta. (Pauza.)

Prelazimo na šestu tačku Dnevnog reda:

**RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ Molim vas tišina ILI SUOSNIVAČ GRAD TUZLA ZA 2021. GODINU POD**

**a) Tržnice-pijace d.o.o. Tuzla**

**b) Javno komunalno preduzeće Vodovod i kanalizacija d.o.o. Tuzla i**

**c) Centralno grijanje d.d. Tuzla (MENSUR ALIĆ – Poslovnička.)**

**MENSUR ALIĆ – vijećnik Tuzlanske alternative**

Evo kao i posljednjih nekoliko sjednica kad su u pitanju javna preduzeća i javne ustanove predlažem ponovo da danas direktori ne odgovaraju na pitanja, ali da odgovore na sva postavljena pitanja pismenim putem u roku od. (NATAŠA PERIĆ – Do avgusta.) Do avgusta mjeseca. (NATAŠA PERIĆ – Dobro.) Oni koji ne odgovore zna se da smo dogovorili prošli put zaključak. Jesul svi odgovorili? (Slađana Krajina govori bez uključenog mikrofona op.a.) E to je to. Zahvaljujem predsjedavajuća.

**NATAŠA PERIĆ**

U redu hvala vama.

**MENSUR ALIĆ**

Molim na glasanje da stavite.

## **NATAŠA PERIĆ**

Stavljam na izjašnjavanje prijedlog vijećnika Mensura Alića. Samo malo. Glasanje je okončano.

Konstatujem da je pročitani zaključak usvojen sa, 21 glas za, nije bilo protiv i 3 suzdržana.

Ima potrebe za uvodnim izlaganjem? (Nema.) Nema.

Ima potrebe da se pročitaju izvještaji komisija? Nema.

Otvaram raspravu klubova vijećnika. Samo malo. Prva za riječ se javila vijećnica Sabiha Mujkanović ispred Kluba samostalnih vijećnika. Izvolite Sabiha.

## **SABIHA MUJKANović MUJAČIĆ – zamjenik predsjedavajućeg Gradskog vijeća Tuzla, - samostalni vijećnik**

Zahvaljujem predsjedavajuća. Evo s obzirom da se prvi put javljam za riječ da pozdravim normalno sve prisutne. Ja bih znači, samo ukratko dotakla bih se IZVJEŠTAJA CENTRALNOG GRIJANJA. Najprije da čestitam menadžmentu na ovako napisanom izvještaju. Za mene je do sada metodološki najbolje urađen izvještaj i mnogima može poslužiti kako jedan izvještaj treba da izgleda. S obzirom na određene odgovore koje je centralno grijanje uputilo vijećnicima koji su postavljali pitanje javila se opravdana zabrinutost kod građana vezano za vrelovodnu mrežu i kvalitet grijanja i ja bih samo da predložim jedan zaključak ovog Gradskog vijeća, a to je da Gradsko vijeće pruža punu podršku Centralnom grijanju u njihovom zaključku da zajedničkim aktivnostima što prije obezbjedimo sredstva za potrebnu stratešku rekonstrukciju distributivne mreže, odnosno rekonstrukciju izvora toplotne energije i magistralnog vrelovoda a koja podrazumjeva izradu investiciono tehničke dokumentacije izvođenja radova, a sve u cilju proširenja vrelovodne mreže u što kraćem vremenskom periodu.

Inače Klub samostalnih vijećnika će podržati sve izvještaje. Zahvaljujem.

## **NATAŠA PERIĆ**

U redu hvala. Sljedeći za riječ se javio vijećnika Čavalić ispred zajedničkog Kluba Stranka za Bosnu i Hercegovinu i Naša stranka. Neka se pripremi vijećnik Mirel Mišković.

## **ADMIR ČAVALIĆ**

Hvala puno predsjedavajuća. Dakle, prije izlaganja u vezi ovih izvještaja zamolio bih dakle, da sva poduzeća i javne ustanove zaista dostave odgovore na sva pitanja koja smo postavili tokom rasprava na Gradskom vijeću. Evo pohvaljujem ovdje danas ste vidjeli da smo već dobili odgovor na tri pitanja koja sam postavio Veterinarskoj stanici Grada Tuzla. Oni su prvi reagovali. Bilo bi dobro da smo i na ovoj sjednici ili na predhodnoj sjednici već počeli sa dobivanjem tih odgovora dakle ostalih javnih poduzeća i javnih ustanova. Ne razumijem čemu čekanje. Dakle, nije to neki straštan posao, tako da in mol...urgiram. Ovom prilikom koristim da za sljedeću avgustovsku sjednicu 22. avgusta ako se ne varam koja je zakazana il planirana da, da imamo sve te odgovore dakle, jel su imali mogućnost ili nisu imali mogućnost da izlažu danas usmeno da obrazlože.

Krenut ću sa CENTRALNIM GRIJANJEM D.D. TUZLA. Slažem se s kolegicom Sabihom dakle, zaista kvalitetno urađen izvještaj. Metodološki istina vrlo korektan. Ja predlažem dakle, da i ostala javna poduzeća i javne ustanove dakle, koriste primjer ili urnek

ovog izvještaja jer uglavnom sve informacije su navedene. Fino je, fino su to dakle, referentno je, ljepo posloženo, jednostavno za čitanje, razumijevanje, ima dovoljno računovodstva koliko treba, ima dovoljno ostalih stvari dakle, i fotografija i planova i zaključaka i prijedloga i sl. Hvala puno za transparentnost u radu menadžmentu. Ja sam dobio odgovor na vijećničko pitanje, odnosno dobio sam nekoliko odgovora na vijećničko pitanje gdje se između ostalog direktno ili indirektno naglašava da nema dakle, potencijala centralnog grijanja za buduću novogradnju, ali koliko sam razumio za zgrade dakle, odnosno objekte kolektivnog stanovanja koje su starogradnja a nisu u sistemu daljinskog grijanja. To je odjeknulo dakle, širom Bosne i Hercegovine i čak su i neki regionalni mediji prenijeli tu informaciju. Zašto je to bitno? To znači, u stvari da imamo jedan ozbiljan problem u najavi posebno jer grad Tuzla ima izuzetnih problema sa aerozagađenjem i ovo bi značilo dakle, da svi buduća dakle, sve buduće novogradnje bi morale koristiti neku alternativu. Pumpe. Možda čak ložione na ugalj, na pelet i sl. što bi bilo tragično za grad dvadesetprvog stoljeća dakle, odnosno treći najveći grad u Bosni i Hercegovini. Dakle, to idemo korak unazad mjesto da idemo naprijed. Tako da podržavam ovaj zaključak. Klub Stranka za BiH i Naša stranka se pridružuje predloženom zaključku Kluba nezavisnih vijećnika i mi ćemo podržati taj zaključak jednoglasno i takođe smo planirali isti predložiti. Dakle, dajemo kao Gradsko vijeće pu-nu podršku centralnom grijanju u vezi toplifikacije, odnosno razvijanja potencijala za toplifikaciju dakle, u gradu Tuzla. Pridružujemo se dakle, može biti isto kao što je kolegica Sabiha navela taj zaključak. Preporuka također ostalim direktorima/direktoricama da slijede transparentnost u odgovaranju na vijećnička pitanja po uzoru na centralno grijanje. Ali evo navodim Veterinarsku stanicu, neke, neka druga poduzeća. Dakle i vodovod zna dat opširan odgovor i sl. Sjetite se da imamo u nekim ustanovama poput Doma zdravlja koje daju kraći odgovor od pitanja. Dakle, bude duže pitanje nego što je odgovor i odgovor bude da, ne, možda, ne znamo itd. Posebno evo za kolegicu Selmu i sl. Ona ima iskustva s tim u vezi onog ginekološkog stola itd. Bilo bi dobro da imamo što više ovakvih odgovora i meni je bilo to posebno drago što je boldirano i tačno se kaže.

Mene zanima ko je odgovoran za ovo stanje dakle? Čuo sam da se 2013. godine znalo da će doći do ovih problema. Da se 2013. trebao dizati kredit. Da se trebalo krenuti u jačanje potencijala sistema međutim, ništa se nije radilo.

Zašto se izbjegavaju te kapitalne investicije?

Pitanje dalje. Ne možemo zanemariti onu, onaj izvještaj revizije. Evo vidimo sad i da je otvoren predmet u Tužiteljstvu Tuzlanskog kantona vezano za centralno grijanje. Nije dobro da jedno javno poduzeće Grada Tuzla ima problema sa tužiteljstvom. Danas će biti još jedna ustanova, njen izvještaj biti dakle, apoteke tuzlanske. Zna da su tu i predistražne radnje vođene i da je bilo razno-raznih kontrola i sl. Dakle, nije dobro da naša poduzeća upadaju u problem sa zakonom. Ne znam kakva je situacija u ostalim gradovima, opštinama na području Bosne i Hercegovine, ali nije dobro jednostavno da se mi spominjemo malo malo u medijima dakle, naša poduzeća, odnosno tuzlanska javna privreda i da se spominjemo u negativnom kontekstu sukoba sa zakonom. Dakle, ne znam na čemu radi Tužiteljstvo TK-a. Predmet su otvorili zato što su morali to po službenoj dužnosti zbog rezultata revizije koja je pokazala. Ako se sjećate. Mi smo imali prošle godine na izvještaju dakle, mislim da smo imali izvještaj taj reviziju ono ako se sjećate dat ću neke, neke slikovite, slikovite scene objašnjenja da automobil je u stanju čekanja više trošio nego specifikacija. Da su davali daleko više za sponzoriranje i sl. iako su monopolisti itd. Dakle, to je samo nekoliko, a ima desetak/petnest tamo zamjerki revizora. Nadam se da će ovaj menadžment dakle, raditi sve da se to sve ispegla, popravi i da se dadnu konkretni kao što su se i meni dali odgovori na pitanje Tužiteljstvu Tuzlanskog kantona koji su to bili problemi ovog poduzeća i da li su ti problemi još uvijek aktuelni?

Mene zanima, a misli da se to diskretno i indirektno nagovještava na stranici 45-46 i pitanje postavljam: Da li će doći do rasta cijena, cijene grijanja u narednoj grejnoj sezoni?

Dakle, mislim da ovo pitanje sve građane Tuzle zanima. Mislim da je ovo pitanje svih pitanja kad govorimo o ovom poduzeću.

Dakle, zanima me da li je, da li imamo neku uvertiru zato, da li se menadžment priprema zato, da li će se to blagovremeno reći građanima?

I bilo bi dobro ako se ide u tom smjeru, ako se to planira da se na vrijeme transparentno, kao što se transparentno meni odgovara i građanima dadne odgovor na to pitanje.

Također na strani 48 spominje se neki alternativni izvor energije. Pretpostavljam za sistem.

Zanima me na koji se to misli dakle, alternativni izvor energije?

I generalno. Mislim ovo pitanje je malo da kažem ispred svog vremena al svi mi u podsvjesti imamo to pitanje.

Koja je alternativa Termoelektrani Tuzla dakle, kada govorimo izvor energije? Alternativu je moguće uvijek razvit. Dakle, imate primjer gradova poput npr. Zagreba koji, koji koristi toplane il čak i kod nas evo Gračanica koristi toplane itd. Dakle, mogu se razvit neke alternative.

Al me zanima jel se, jel se mislo na to na stranici 48 kad se govorilo il ja nisam dobro iščito dakle, da li mi generalno imamo alternative?

Zašto ovo pitam? Pa opet da ne bi upali u problem lošeg planiranja i da nešto što smo trebali 2013. godine sada raspravljamo 2022. godine a znamo možda za pet godina da se neće, neće riješiti ništa u vezi toga. Tako da me zanima. Dakle, generalno kada govorim o Termoelektrani Tuzla evo vidimo sa blokom 7 da ne ide baš kako je planirano. Vi se sjećate da sam ja postavio pitanje resornom ministru Džiniću dakle, i dobio sam vrlo konfuzan odgovor. Nevjerovatan odgovor gdje nako se samo prati hronologija dešavanja u vezi izgradnje bloka 7. Ništa konkretno. Znamo da američki partner je izašao iz te priče. Dakle, Kinezi su tu i sl. Brojne peripetije na Federalnom nivou, al to je bitno za naš grad zato što se naš grad grije preko toga.

I zanima me u stvari da li imamo u perspektivi dakle, u nekom kao viziju, kao neko strateško rješenje da li imamo alternativu? Ali kažem alternative su moguće.

Zašto ovo navodim? Nekada dakle, kad, kad forsiram puno toplifikaciju, proširenje sistema dobijemo odgovore pa dobro zar ne pratite šta se dešava sa Termoelektranom Tuzla i onako to je stara prljava energija i sl. Da, ali je sistem bitan. Dakle, ako sistem postoji lahko je nama naći. Barem nadam se da je lahko naći. Naravno nije, lakše je kazati nego realizovati. Neki alternativni način zagrijavanja. Dakle, nije, nije, nije svijet stao kada se prestao koristiti ugalj. Dakle, pronašle su se neke druge alternative i sl.

Predlažem nekoliko zaključaka. Da se evo u vijećničkom pitanju sam postavio to pitanje. Da se krene sa toplifikacijom naselja Plane odakle dolazi dakle, jedan vrlo potencijalni dakle, vrlo potentan, potencijalan kandidat za člana predsjedništva Bosne i Hercegovine i volio bih dakle, da može sa ponosom kazat kako je njegovo naselje toplificirano, ali evo i naselje koje je meni posebno u srcu. Takođe da se izvrši toplifikacija naselja Moluhe. Ali dajte možda još konkretnije.

Zaključak da dobijemo za sva tuzlanska naselja. Da dobijemo dakle, informaciju o tome kad je planirana toplifikacija, da li postoje nekakvi dokumenti, da li postoje neke studije i sl. dakle, za sva naselja ili za svih 40 mjesnih zajednica u gradu Tuzla. To dajem kao zaključak. Zašto? Jer vidimo da periodično mi kao Gradski vijećnici malo malo pitamo za toplificiranje nekog naselja. Hajmo jednim zaključkom. Dakle, jednim pitanjem. Evo i pitanje dajem. Još, još 5 sekundi. Izvinjavam se. Da, da to dobijemo informaciju. Hvala vam puno.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Mirel Mišković ispred Kluba Socijaldemokrata. Izvolite.

**MIREL MIŠKOVIĆ – vijećnik Socijaldemokrata BiH**

Zahvaljujem i sve vas pozdravljam. Što se tiče današnjih izvještaja imao bih jedno pitanje i jedan zaključak, a tiče se IZVJEŠTAJA CENTRALNOG GRIJANJA. Pitanje se odnosi na poglavlje 9. Procjena očekivanog budućeg razvoja društva. Hoću da napomenem da je u poglavlju sve lijepo navedeno šta treba da se sve odradi i da to sve u potpunosti podržavamo. A pitanje se odnosi:

Kada se očekuje početak i završetak radova na izgradnji novog magistralnog vrelovoda kao i da li ko i na koji način vrši opstrukcije realizacije novog magistralnog vrelovoda?

Zaključak moj danas koji ću predložiti Gradskom vijeću odnosi se na to: Da prilikom proširenja zone toplifikacije i izgradnje novog magistralnog vrelovoda kao nezaobilazni i prioritetni dio uradi cjelokupna toplifikacija čitave mjesne zajednice Bukinje imajući u vidu da se na njenoj teritoriji nalazi Termoelektrana Tuzla i da ti građani trpe najviše posljedice od aerozagađenja. Eto toliko bi ja imo. A inače ćemo podržati sva tri izvještaja.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem kolegi Miškoviću. Ima li još neko da se javlja za diskusiju ispred klubova vijećnika? Vi ste ispred Kluba vijećnika? Izvolite.

**ADMIR HASANBAŠIĆ**

E hvala predsjedavajuća. Ma ništa Klub vijećnika Tuzlanske alternative je analizirao sva tri izvještaja i evo ja ću ukratko reći nekoliko stvari. Prvo vezano za TRŽNICE PIJACE koje su pozitivno poslovale sa dobiti od 1287 konvertibilnih maraka međutim, na ovom izvještaju možemo primjetiti da je situacija izuzetno teška i da je pozitivno poslovanje ostvareno samo zahvaljujući privremenim mjerama za konsolidaciju i stabilizaciju društva. I zaista nalaze se u vrlo vrlo teškoj situaciji i ja ću predložiti jedan zaključak a to je sljedeći:

Da se u Budžetu Grada Tuzla za 2023. godinu povećaju finansijska sredstva za Tržnice pijaca a sve u cilju lakše konsolidacije i stabilnosti društva. Jer zaista je ovo potrebno. U izvještaju se vidi da je stanje jako, jako loše.

Dalje. JAVNO KOMUNALNO PREDUZEĆA VODOVOD I KANALIZACIJA TUZLA. Oni standardno rade dobro. Poslovanje je odlično. Neto dobit u iznosu od nekih 285.000 konvertibilnih maraka. Urađeno je mnogo pozitivnih stvari u 2021. godini. Prije svega evo uspostavljena je i dostava računa putem imejla. Zatim što je jako bitno. Vršiti se zamjena običnih vodomjera sa radijskim vodomjerima što u velikoj mjeri olakšava i očitavanje, očitavanje znači utroška vode. I što je jako, jako bitno nastavljeno je aktivno učešće u projektima čijom realizacijom se stvaraju uslovi za dugoročno vodosnabdijevanje grada Tuzla pitkom vodom do 2030. godine. Kažem jako, jako, jako bitna stvar. I svakako pohvale menadžmentu za detaljnu informaciju o samom procesu privatizacije Javnog komunalnog preduzeća Vodovod i kanalizacija Tuzla, jer to je jako, jako bitno pitanje i evo informacija je zaista detaljno urađena od samog početka privatizacije pa do današnjeg dana.

Ja bih imao ovdje jedno pitanje za menadžment i jedan zaključak a pitanje je:

Očekuje li se u narednom periodu pozitivan pomak u pravcu konačnog rješavanja načina izmirenja obaveza od Javnog preduzeća „Komunalac“ d.d. Živinice u iznosu od oko 8,4 miliona konvertibilnih maraka, to se vuče još dugi niz godina i evo interesuje me da li imamo neke naznake u narednom periodu kakava je situacija?

A zaključak bi bio: Da se pokušaju riješiti problemi dostavljanja vode u visinskim zonama posebno u Gornjoj Tuzli ugradnjom odgovarajućih pumpi. To bi bio zaključak.

I na kraju evo CENTRALNO GRIJANJE. Slažem se sa kolegama i kolegicama što su rekle. Zaista odlično urađen izvještaj. Pozitivno poslovanje. Neto dobit 425.000 konvertibilnih maraka. Značajno povećan broj korisnika, a time je kao što smo vidjeli i povećana potreba za toplotnom energijom. I društvo je i kao što možemo vidjeti u izvještaju djelovalo urgentno i već su izradili idejni projekat novog magistralnog vrelovoda koji je dostavljen Službi za komunalne poslove, izgradnju i poslove mjesne zajednice Grada Tuzla na, na dalje, na dalje postupanje.

Ja bih ovdje isto predložio jedan zaključak. Sličan je zaključku kolege Mirela Miškovića, a on je sljedeći:

Da prioriteta za izradu projektne dokumentacije i priključaka na sistem daljinskog grijanja budu stambeni objekti u Mjesnim zajednicama Šićki Brod i Bukinje koji su po projektu toplifikacije planirani od 2011. godine i do danas nisu realizovani, a prije svega na naselje Donji Hudeč na kome se nalazi i šljačište i kroz cijelo to naselje prolazi ovaj magistralni, magistralni toplovod.

Dalje. Pohvala menadžmentu za provedene aktivnosti oko formiranja građevinskog odjela u okviru distributivnog sektora čime su zaista smanjili, smanjili troškove i hitne intervencije se mogu vrlo, vrlo brzo odraditi. Redovno održavanje i nema potrebe više za angažovanjem znači, nekih trećih lica gdje se i gubi vrijeme a i daju se finansijska sredstva.

I na kraju pohvala za izradu nove web stranice koja zaista imponantno izgleda. Koja je malo interaktivnog karaktera. Omogućava komunikaciju sa, sa korisnicima.

I evo za kraj Klub vijećnika Tuzlanske alternative će podržati sva tri izvještaja. Hvala.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem. Kolega Elvir Bijedći ispred Kluba Socijaldemokratske partije.

**ELVIR BIJEDIĆ - zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Zahvaljujem i pozdravljam kolegice i kolege vijećnice i sve prisutne u sali s obzirom da se prvi put javljam. Klub vijećnica i vijećnika SDP-a je razmatrao sva tri izvještaja i dakle, nalazimo da su urađeni po svim potrebnim normama. Na tragu malopredašnje diskusije kolege Hasanbašića dakle, znamo u kakvoj se situaciji nalazi TRŽNICE-PIJACE i sasvim sigurno da ćemo biti na tragu tog zaključka. Dakle, da je nužno da mi kao osnivač i te kako povedemo računa i u narednom periodu. Svjesni su činjenice dakle, da na globalnom planu energetska kriza potresa cijeli svijet. Dakle, i ono što mislim da podrška i preduzeću CENTRALNO GRIJANJE i te kako mora i dalje mora biti permanentna i kontinuirana s obzirom dakle, da i mi kao građani ćemo se morati malo kako bi rekao više uključiti u smislu štednje energije.

Mislim da ne bi bilo loše da uputimo jedan apel i građanima dakle, na način dakle, da se malo više i odgovornije odnosimo prema, prema energiji, toplotnoj energiji u smislu dakle, da koliko god je to moguće utopljavamo individualne stambene objekte. Grad već i daje

subvencije na tom nivou, a i kad su u pitanju kolektivni stambeni objekti isto tako i poslovni prostori. Dakle, energija je nešto što će sasvim sigurno u vrlo bliskoj budućnosti, a već se to i dešava i te kako biti bitan, izuzetno bitan segment.

Što se tiče JAVNOG KOMUNALNOG PREDUZEĆA VODOVOD I KANALIZACIJA. Dakle, voda je jedan apsolutno nezamjenjivi resurs jako bitan. Praktički nezamjenjiv kada je u pitanju funkcionisanje života građana i sve pohvale dakle, menadžmentu i na svemu onome što radi zadnjih godina. Vrlo sam ponosan kao i građanin i kao vijećnik da mi već evo 13 godina nemamo redukciju što je onako bez obzira dakle, i na sušne periode na koje nailazimo, ali zaista imponantna činjenica. Dakle, bez obzira i na brojne kvarove, s obzirom na godine koje su prošle ne mijenjajući cijevi ovaj grad je bez redukcija vode znači, značajnih redukcija vode, 13 godina. Devet godina posluju pozitivno. U razgovoru s direktorom i sa uposlenicima imam informaciju dakle, iz pogona Stupari prema gradu Tuzli praktički je završeno izmjena vodovodne mreže. Generalno 700 kilometara vodovodne mreže gradsko preduzeće, komunalno preduzeće održava što je značajan, značajna kilometraža i naravno da na terenu kakav je Tuzla u proteklim godinama koliko je se slijegala to svi znamo, sasvim je normalno da nastaju kao i svugdje u svijetu kvarovi. U izvještaju se navodi da je prijavljeno za izvještajnu godinu 3648 kvarova, od kojih je 3641 urađenih znači, po nalogu, pa to otprilike ispada znači, 10 dnevno bez obzira dakle, da li se radilo o suboti, nedjelji, radnom danu, vjerskim ili državnim praznicima. Značajni su to, značajni su to radovi i sve pohvale znači, i radnicima i menadžmentu preduzeća Vodovod i kanalizacija.

Ono što me posebno raduje. Mi smo na prošlom izvještaju kad je u pitanju Vodovod i kanalizacija imali obećanje direktora dakle, da će u okviru preduzeća biti formirana da tako kažem jedinica za asfaltiranje svih ovih prekopa koji se rade zbog ovakvih, zbog ovakvih radova i evo imam informaciju i svjedoci smo dakle, da zadnjih otprilike nekih tri do četiri sedmice Vodovod i kanalizacija je počeo sa saniranjem tih rupa. I po informacijama koje imam sedmično se uradi između 35 i 50 sanacija i ukoliko se nastavi ovom dinamikom dakle, ono što je za očekivat u naredni tri do četiri mjeseca da će to biti u potpunosti, u potpunosti sanirano.

Dakle, Klub vijećnica i vijećnika SDP-a će prihvatiti sva tri ova izvještaja uz punu podršku svim preduzećima i u nastavku rada. Hvala.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala kolegi Bijediću. Diskusija ispred Kluba vijećnika Platforme za progres gospođa Esana Kavazbašić Husaknović.

**ESANA KAVAZBAŠIĆ HUSKANović – vijećnik Platforme za progres**

Dobar dan poštovane kolege, kolegice. Baš ovo što su kolege ranije rekli znači, izvještaji su jako dobro i profesionalno urađeni i mislim da zadovoljavaju sve te forme koje trebaju sadržavati međutim, ovdje imamo jedan veliki problem, a mislim da trenutno nismo ga dovoljno svjesni njegove veličine. Što se tiče CENTRALNOG GRIJANJA meni nije jasno zašto se ranije nije razmišljalo o tome da ćemo se nalaziti u ovom trenutku gdje se sada nalazimo znači, da nećemo imati priliku da se novi stambeni objekti priključuju na sistem daljinskog grijanja zašto tek sad znači, kad smo dobili problem razmišljamo kako da se riješi taj problem? O tom problemu je trebalo razmišljati prije možda deset/petnaest godina.

Druga stvar. Mi smo samo obavijestili građanstvo znači, imamo problem. Nema više priključka na sistem daljinskog grijanja i koja je alternativa za nove stambene objekte s obzirom da zadnjih deset Vijeća mi izdajemo stalno saglasnost za građenje novih objekata.

Znači, idu stotine novih stanova u izgranju i kako ćemo mi sad riješiti ovaj problem, kako će se ti ljudi priključiti, kako će se grijati, šta im je alternativa? Na kraju i tim građevinskim firmama šta je alternativa za to grijanje?

Ne možemo mi kao Grad i naše javno preduzeće reći hej ne interesuje ne možete se priključiti i hajmo dalje. Onda hajmo bar napraviti neki zaključak da pokušamo izaći u susret tom građanstvu, tim novim stambenim objektima u smislu da izdvojimo veća sredstva za subvenciju, za stimulaciju građana da pređu na druge oblike zagrijavanja. Da li su to toplotne pumpe. Pelet nije rješenje. Pelet definitivno nije rješenje. Tona peleta sad košta 650 maraka. To je nikakva alternativa. Znači, jako mali, malu mogućnost alternativnog grijanja imamo i šta sad uraditi?

Znači, ovo je jedan veliki problem kojeg moramo pod hitno početi rješavati. Koliko se god nama to činilo da nije tako, vjerujte mi da jeste. Pogledajte samo koliko se novih zgrada gradi u Tuzli. Evo pogledajte Stupine. Pa našta će se ti ljudi priključiti za grijanje?

Ne možete ostaviti ljude bez grijanja to ne može niko uraditi. Kakve toplotne pumpe i toplotne pumpe koštaju. Koliko je kilovat struje? Na koji će to iznos doći? Ne može se to tek tako lakomisleno uzeti.

Onda druga stvar. Mi smo morali baždarić naše instrumente za centralno grijanje kalorimetre pa me interesuje sredstva od tog baždarenja zašto će ona biti iskorištena, mogu li ta sredstva biti preusmjerena znači, da se vidi da se krene u rješavanje te, tog magistralnog vrelovoda da se ubrza taj postupak da u nekom realnom roku, u što kraćem roku znači, pokuša se riješiti ovaj problem?

Zaista bi voljela Gradu i centralnom grijanju postaviti to pitanje. Mislim, mi kao Gradsko vijeće trebamo im pomoći maksimalno koliko možemo. Da li je to kroz rebalans Budžeta, da li je to da pristupimo pisanju nekih projekata gdje bi mogli obezbjediti ta sredstva, jer to vjerovatno košta jako puno. Ali zaista ovom problemu se mora pristupiti krajnje ozbiljno.

Što se tiče Platforme za progres znači, mi ćemo podržati sva tri izvještaja ali bi voljela zaista da Gradsko vijeće donesemo neki zaključak znači, da se iz rebalansa Budžeta pokuša stimulisati građanstvo na još bolji način da pristupe alternativnim načinima grijanja jer sad definitivno nemaju izbora. Sad će i morat ići ili na pelet ili na toplotne pumpe. A stavite malo koliko to košta na račun. Ako neko ima platu od 1000 maraka. Znači, ako dvoje u porodici radi sa minimalnim primanjima da li oni zaista sa ovim subvencijama mogu sebi priuštiti taj luksuz toplotne pumpe ili grijanja na pelet? Koliko košta mjesečno jedan kvadrat grijanja. Izračunajte jedno, izračunajte drugo i vidite koliko zaista stanovništvo sebi to može priuštiti. Znači, opet nam ostaje alternativa ugalj i grijanje na drva, a to znači imat ćemo još veće zagađenje od ovog što već imamo i nismo ništa postigli. Toliko od nas. Hvala.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Ispred Kluba nacionalnih manjina Nedžad Jusić.

**NEDŽAD JUSIĆ – samostalni vijećnik iz reda  
nacionalnih manjina**

Hvala. Poštovana predsjedavajuća, zamjenici predsjedavajuće, sekretaru, kolege, kolegice vijećnici i vijećnice, predstavnici javnih preduzeća, kao i ostali želim da vas pozdravim. S obzirom da evo imamo tačku Dnevnog reda RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2021. GODINU. Imamo tri preduzeća znači,



Tržnice-pijace d.o.o. Tuzla, Javno komunalno preduzeće Vodovod i kanalizacija d.o.o. Tuzla, Centralno grijanje d.d. Tuzla. Kolege su i kolegice dosta toga rekli vezano za pomenute izvještaje i ja ću pokušati, u stvari što kraći ću biti. Osvrnut ću se većinom na JAVNO KOMUNALNO PREDUZEĆE VODOVOD I KANALIZACIJA ali bih takođe se osvrno i na TRŽNICE PIJACE i možda na. Ne bi zaključak. Nije zaključak. Možda samo sugestija jedna menadžmentu TRŽNICE PIJACE da ne dođu u još težu situaciju do narednog perioda da pokušaju što je više moguće troškove koje imaju. Možda i nisu opravdane u nekim segmentima da umanje ili jednostavno da hin ukinu. Ne bi govorio o tim troškovima koje imaju. Mislim da će menadžment najbolje to pogledati i sagledati na kraj krajeva i da ćemo naredni izvještaj koji budemo usvajali. Ja se nadam 2023. biti i te kako optimističniji za ovo preduzeće da će opstati i da će imati što kvalitetnije rezultate u narednom periodu.

Ja bi se samo nakratko vezano, nadovezao, kolega Elvir Bijedić kada je govorio o Vodovodu i kanalizaciji. Znači, javno komunalno preduzeće vezano za saniranje puta nakon sanacije i rekonstrukcije vodovodne mreže i takođe bih pohvalio aktivnosti u zadnjem periodu koje se rade na tom polju, jel smo svjesni da u prethodnom smo imali određene iskopine na putevima koje su stajele po godinu, dvije godine. Jednostavno otežavalo se kretanje kako vozila, tako i pješaka da između ostalog je bilo i do određenih problema. Ja sam na prošloj i preprošloj sjednici pokrenuo inicijativu za saniranje kolovoza, odnosno iskopina koji su urađeni u ulici Branislava Nušića da se saniraju pomenute iskopine i evo maloprije sam sa direktorom razgovarao i obećo je da će u narednih desetak dana se izvršiti sanacija, odnosno tog dijela puta u najvećoj mjeri od broja 32 do 36. Ali samo bih htjeo napomenuti da u tom nekakvih hajde stotinjak metara 12 iskopina ima. I možda na kraj krajeva i da direktor, odnosno menadžmenti javnog komunalnog preduzeća razmisle o dugoročnom, o dugoročnom rješavanju pomenutog problema, jel jednostavno svaki deset petnest dana stalno dolazi do određenih kvarova u ovoj ulici i mislim da bi se to trebalo dugoročno gledati. Ne sada da saniramo pomenute iskopine i za deset dana ponovo će se morati vršiti određene rekonstrukcija i sanacija. Ali jednostavno ja nisam stručan u tome. Siguran sam u tome da je direktor to mnogo bolje zna od mene i da će iznaći najbolje rješenje da se ova ulica sanira. Da se napravi da građani ove ulice imaju normalnu komunikaciju, odnosno da mogu bez problema koristiti put. Hvala vam.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala. Drugi put diskusija ispred Kluba. Kolega Admir Čavalić.

**ADMIR ČAVALIĆ**

Hvala puno zamjenice predsjedavajuće. Dakle, idemo dalje sa izvještajima TRŽNICE-PIJACE D.O.O. TUZLA. Na strani broj 6 navodi se da izdavanje dakle, prostora nije na zadovoljavajućem nivou. Ja se sjećam da je u prethodna dva izvještaja ista konstatacija bila.

Mene zanima konkretno da li se bilo šta radi na unapređenju dakle, stepena izdavanja, odnosno broja korisnika koji će koristiti te prostorije? Nije dovoljno konstatovati. Bilo bi dobro da se ponude i neka rješenja. Na stranici broj 7 se spominje neki renomirani kupac. Tako kaže. Citiram, renomirani kupac. Mene zanima ko je?

I volio bih ubuduće da u svim izvještajima javnih poduzeća i javnih ustanova kad se neko navodi renomirani kupac dakle, da se navede ko je renomirani za koga se misli itd.?

Ovo ću navesti u formi zaključka, ali prije svega konstatacija. Preveliki je jaz između maksimalne i minimalne plate. Barem shodno ovom izvještaju iz 2021. godine. Minimalna

plata je 414 maraka. Ona se vjerovatno povećala sada početkom 2022. godine zbog federalnog, federalne izmjene dakle, odnosno rasta minimalca preko 30%, ali je maksimalna bila 1821 KM neto. Dakle, možda raditi na tome. I ovo dajem u formi zaključka da se jednostavno uskladi taj odnos neto najviše i neto najniže plate. Interesantno npr. vodovod ima najbolji ovaj odnos. Dakle, najbolji racio. Još par nekih kompanija i to BIT Centar takođe ali tu ima zaposlenika.

Koliko se ulaže u prostore jel dovoljno? Jel ako prati se Budžet ovog poduzeća uglavnom evidentno je da najveći dio odlazi jednostavno na zaposlenike što je okej. Dakle, oni rade svoj posao časnno i korektno i čak se navodi tamo da visoko kvalifikovana radna snaga obavlja poslove sa srednjom stručnom spremom kojem je namjenjeno. To i treba tako mislim, jer je poduzeće u izuzetnim problemima kao što možemo vidjeti u izvještaju i razumijem zašto se svako žrtvuje i svaka čast na toj žrtvi.

Ali me nako zanima koja su ulaganja generalno u prostore dakle i javna dobra osim onih 5000 maraka jel ima nekih ulaganja?

Grad Tuzla daje 130.000 maraka za tržnice. Bilo bi dobro dakle, i dajem preporuku da mi opet pomognemo da se nađe neki model održivosti Tržnica-pijaca. Ne mogu da vjerujem da su sve Tržnice-pijace na svijetu dakle, ovisne o budžetu, da su u propasti, da, da na kraju nemaju alternativa osim na kraju, evo kao što se navodi u izvještaju da daju nekim kupcima renomirani prostor na iznajmljivanje ili čak Saobraćaju i komunikacije na stranici broj 39 se nudi neki prostor za pretvaranje u parking.

Mene zanima koji je taj prostor, ako mogu dobiti tačno skicu, fotografiju tog prostora dakle, koji se nudi kao novi parking prostor?

Zašto? Mislim da generalno građani grada Tuzla negoduju što se pojavljuje, pojavljuju dodatni dakle, obilježeni parking prostori i nove zgrade. Narušavaju se parkovi i narušavaju se generalno zelene površine a narušavaju se i neki objekti u ovom slučaju tržnice. Dakle, njihova inicijalna namjena.

Na stranici mislim da je 18. Dakle, 184.000 KM potraživanja u 57 sudskih sporova.

Mene zanima otkud ovoliki iznos dakle, za 57 sudskih sporova i ko su u tim sudskim sporovima najveći dužnici i kako se nekom dozvolilo dakle, da napravi toliki dug?

Obično kad razmišljam o Tržnicama-pijacama mislim da su to neki sitni trgovci koji duguju par stotina, par hiljada konvertibilnih maraka, ali kad uzmete ovo 184.000 vjerovatno da ovdje ima nekih krupnijih riba dakle, koje su uspjele nekažnjeno da egzistiraju tu, da ne plaćaju svoje obaveze godinama i po osnovu toga su i tuženi i idu na sud.

Zanima me dakle, volio bih da dobijemo tačno evidenciju svih 57 sudskih sporova ko su te osobe koje utužuju tržnice i tačno iznosi koliko duguju Tržnicama-pijace?

Na kraju. Zašto nema dijela o korespondenciji sa Gradskim vijećem Grada Tuzla?

Ja se sjećam na prošlog raspravi od dva izvještaja 2020. i 2019. kolega Kapidžić, kolega Bijedić, Selma je tu pričala, Omer i sl. dali smo dosta konstruktivnih ideja ako se sjećate u vezi korištenja ovih internet servisa za dostavu, ako se treba praviti neki interventni tim, sastanak itd. ništa se to ne spominje u ovom izvještaju, niti se spominju odgovori na vijećnička pitanja i vijećničke inicijative. A bilo bi dobro da to imamo u izvještaju. Čisto da pratimo pregled korespondencije sa Gradskim vijećem.

Zanima me dakle, da li je bilo šta realizovano po pitanju zaključaka Gradskog vijeća u vezi Tržnica-pijaca s prošle godine? Dakle, to je konkretno pitanje.

I generalno zaključak dajem da nam Tržnice-pijace d.o.o. Tuzla dostave izvještaj o realizaciji zaključaka Gradskog vijeća Grada Tuzla gdje će taksativno nabrojati sve zaključke i objasniti u par rečenica šta su uradili po pitanju realizacije tih zaključaka.

Jer sjećamo se opet svi da je bilo izuzetno dobrih i konstruktivnih zaključaka, prijedloga, jer Tržnice-pijace su u problemima. Mi smo tu kao građani Tuzle, vijećnici izabrani da im pomognemo.

Da ponovim dakle, ove zaključke.

Smanjiti odnos između neto najviše i najniže plate, da se najniže i neto najviše, da se unaprijedi disciplina plaćanja obaveza prema pijaci i zaključak generalno da podržimo sve ciljeve i mjere koje su Pijace-tržnice Tuzla predložile na stranici broj 39.

Idemo dalje. VODOVOD I KANALIZACIJA TUZLA. Monopolista kao i centralno grijanje. Što znači najveća odgovornost dakle. Ovo poduzeće ima najveću odgovornost prema građanima Tuzle. Na stranici broj 11 se navode nekakvi tužitelji u vezi povrede na radu, šahtova i sl.

Volio bih da mi se objasni o čemu se tu radi neko je tužio dakle, Vodovod i kanalizaciju?

I generalno da li imamo nekakvu tendenciju pada ili povećanja broja pojedinaca ili pravnih lica koji tuže Vodovod i kanalizaciju?

Zašto ovo navodim? Evo maloprije sam dobio informaciju od Veterinarske stanice u vezi ujeda pasa gdje imamo pozitivne tendencije pada broja ujeda.

Dakle, volio bih da vidim ovdje kakve su te tendencije generalno po pitanju tuženja, tužbi prema Vodovodu i kanalizaciji, a ja pohvaljujem Vodovod i kanalizacije dakle, u kontra smjeru u smislu da tuže ove neplatiše i treba da in tuže i treba da naplate i potražuju svoja sva prava koja, koja su ostvarila.

Pitanje je: Koliko, koliko, koliko je imejl računa se koristi?

Vidio sam na stranici broj 25. Mene zanima jel ovo. Malo mi je nejasno u tabeli. Jer 234 jel to ukupno kolko ima korisnika koji koristi te imejl račune?

Dajem prijedlog zaključka da Vodovod i kanalizacije dakle, u ovoj godini krenu sa intenzivnom kampanjom promovisanja e-imejl računa dakle, mislim da je to dobro i za okoliš. Mislim da je dobro i radi adekvatnije komunikacije sa ljudima koji se ne nalaze možda u Tuzli, nisu tu, ili su negdje otišli na godišnji i da dobiju na imejl ove račune. Dobra je praksa, samo ja dajem zaključak da proširimo ovu praksu, jer ako je 234 to je mali broj u odnosu na broj korisnika.

Na stranici 57 ne vidim koja je minimalna i koje je maksimalna plata. Dajem zaključak da kao i svaki drugi izvještaj i to je korektno spram ostalih i ovaj izvještaj ima dakle, informaciju o minimalnoj i maksimalnoj plati.

Na stranici 46 evidentno je da se gubitci vode u mreži smanjuju. Vi se sjećate prošlu sjednicu kad smo raspravljali o ovom izvještaju ja sam kritikovao dakle, visinu ovih gubitaka procentualno. Vidim sada da se smanjuje.

Moj zaključak da se još brže smanjuje dakle, ako može iznad, više od 1% dakle, znam da je to izazovno. Lakše je opet reć nego uraditi, ali evo moj prijedlog da, da imamo dakle, ispod 30% gubitke u mreži.

Zanima me na stranici 81 se spominju neki apartmani u Neumu dakle, o čemu se radi samo onako da bude objašnjenje detaljno u vezi navedenog?

Bravo, bravo za troškove reklame. Znete da je moja kritika bila prošli put da se puno trošilo na reklamiranje i sponzorstvo a posebno razumijevajući da je riječ o izbornoj godini 2020. godini. Sad vidim za 2021. godinu da je zaista došlo do drastičnog pada ovih troškova. Hvala menadžmentu ako je poslušao moju kritiku. Al nadam se da će ovu praksu nastaviti u 2022. godini koja je opet izborna godina i da će opet biti dakle, troškovi slični 2021., a ne 2020. godini.

Zašto? Jer moram samo upozorit, ne samo vodovod već sve ove velike kompanije koji su monopolisti a daju za reklamu, sponzorstvo itd. U revizorskom izvještaju centralnog grijanja Grada Tuzla revizori su tačno utvrdili i napomenuli i stavili kao prigovor da monopolisti računovodstveno-ekonomski posmatrano ne treba toliko da troše na reklamu i sponzorstvo, mada to u konceptu korporativno društvene odgovornosti izgleda odgovorno ali evo da se smanji.

Strana 93. Zanima me Hotel Tuzla ovaj dug 80.000 maraka kakva je izvjesnost naplate?

Kao što je kolega Hasanbašić spomenuo za Živnice kompaniju koja je vjerovatno u likvidaciji i neće naplatiti.

Zanima me jel ima šta od Hotela Tuzla A Hotela il kako se već zove?

I vezano za ovu gospođu Sokoljanin Sabinu o čemu se radi?

Jel tu gospođa duguje 130.000 maraka vodovodu il pravno lice koje je koristilo od gospođe prostor?

Malo mi je konfuzno. Volio bih samo da dobijem odgovor na to pitanje.

Imam još niz zaključaka, ali to ću se javiti u redovnoj diskusiji vijećnika. Hvala puno.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala. Drugo javljanje. Mirel Mišković. A neka se pripremi Elvir Bijedić. Takođe drugo javljanje.

**MIREL MIŠKOVIĆ**

Zahvaljujem dopredsjedavajuća. Imao bih još samo da nadopunim sa jednim pitanjem JAVNOM KOMUNALNOM PREDUZEĆU VODOVOD I KANALIZACIJA a to je:

Koja je tačna procedura prilikom uvođenja individualnog vodomjera u kolektivne stambene objekte sa zajedničkim vodomjerom?

Molio bih ovu informaciju napismeno sa tačnim redoslijedom koraka kako bi našim građanima olakšali proceduru uvođenja individualnih vodomjera.

Takođe dobro bi bilo u odgovoru da mi se razgraniči koji dio realizuje Javno komunalno preduzeće Vodovod i kanalizacija, a koji dio građani? Eto toliko.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala. Još kolega Elvir Bijedić pa smo iscrpili raspravu klubova vijećnika. Mirele molim vas mikrofon.

**ELVIR BIJEDIĆ**

Zahvaljujem. Ja ću samo kratko još jedan zaključak. Da dopunim svoju malopredašnju diskusiju. Obzirom da sam govorio dakle, da nam je zaista potrebno da se malo više domaćinski odnosimo prema energiji kao jedno vrlo bitnom resursu dakle, u današnjem svijetu.

Dakle, jedan zaključak da Grad Tuzla nastavi dakle, sa kontinuiranom podrškom u smislu subvencija za energetske utopljanje kako individualnih, tako i kolektivnih objekata za stanovanje uz jedan apel poslovnim, poslovnim subjektima da planiraju svoje aktivnosti finansijski dakle, u smislu utopljanja svojih objekata u kojima rade svoje poslovne djelatnosti. I evo nadam se da ćemo usvojiti taj zaključak. Hvala vam.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala. S obzirom da smo iscrpili raspravu klubova vijećnika. Zatvaram raspravu klubova vijećnika.

Otvaram raspravu vijećnika. Vijećnik Ćerim Rastoder, a neka se pripremi vijećnica Merima Softić Sprečić.

**ĆERIM RASTODER**

Zahvaljujem se. Prije svega želio bih da pozdravim prisutne direktore o čijim izvještajima danas raspravljamo i njihov menadžment koji je prisutan ovdje. Isčitao sam izvještaj sve tri firme, odnosno sva tri preduzeća i generalno može se, mogu zaključiti da su izvještaji urađeni dosta kvalitetno, metodološki pregledno. To se odnosi na sve tri firme.

Što se tiče VODOVODA I KANALIZACIJE ono što je meni dojmilo jeste da kao i u prehodnim izvještajima a sada posebno, da ima dosta pregleda, fotografija, analiza, zaključaka, podnaslova i da je taj izvještaj jako sadržajan. Znači, onaj ko ništa ne zna o vodovodu kad bi ga pročitao znači, znao bi od povijesti, od formiranja do danas šta se sve dešavalo. Znam i svakodnevno vidimo na terenu službe Vodovoda i kanalizacije koje rade rekonstrukcije ili neke radove, ali ovo što se meni posebno sviđa jeste i aktivnosti i rad ostalih službi, a posebno ove pravne službe, jer vidim znači, da u zadnje vrijeme pravna služba, naravno po uputama menadžmenta ima dosta aktivnosti u smislu vansudskih nagodbi, poravnanja, odgoda, tužbi itd. To je jedan zahtjevan posao i to je ono što je po meni jako kvalitetno i vidim da te aktivnosti dosta doprinose poslovanju, kvalitetnom poslovanju ovog preduzeća.

Što se tiče CENTRALNOG GRIJANJA. Zagrijavanje je strateško pitanje broj jedan u Svijetu i Evropi pa tako i kod nas. Naš grad je imo sreću da je imo taj način snabdijevanja centralnim grijanjem i naravno ti kapaciteti evo čujemo u kakvom stanju i podržavam sve zaključke i aktivnosti kako menadžmenta preduzeća koji je naveo u svom izvještaju, tako i diskusije vijećnika da trebamo sagledati mogućnosti kako i na koji način da se proširi, prošire ti kapaciteti. Ali hoću reći ovo. Privilegovan je svaki građanin Tuzle, svako domaćinstvo koje je imalo mogućnosti, koje ima mogućnost da se grije na centralnom grijanju kako po kvalitetu grijanja, tako bogami i po cijenama. Znači, mi ne možemo gledati to jednostrano. Evo nova zgrada se pravi pa nemamo. Imamo mi na hiljade i hiljade stambenih objekata koji nema stambeno grijanje. U tom kontekstu podržavam evo vijećnika Hasanbašića i ko je već predlago znači, da se ide neka hronologija uvođenja tog centralnog grijanja i odozdo od Šićkog pa nadalje itd. Da se mi samo ne svrstavamo na zgrade. Kupio sam zgradu mora imat centralno grijanje. Vidićemo kako će se dalje rješavati. Da li ćemo mi te kapacitete i kojom brzinom širiti, al moraju se nalaziti i druga alternativna rješenja. Metar drva je 150 maraka, peleta 600 maraka, a onaj koji se grije u jednosobnom stanu to plati tri puta jeftinije i neka. Ne kažem ja da treba da se povećaju cijene, ali hoću da kažem znači, da tu privilegiju koju smo imali i koju imaju građani to je okej, da mi trebamo raditi na tome da i ostali građani koji imaju stambene objekte, da li su to kuće itd. razmišljaju u tom kontekstu. Znači, nije poražavajuće što smo došli do nekog limita. Možda jeste za neku kritiku što neki menadžmenti prethodni možda ranije nisu pokrenuli neke aktivnosti da se uradi. Ali smatram da, da treba, da trebamo biti zadovoljni posebno oni građani koji imaju centralno grijanje, čak i prezadovoljni i da vidimo znači, da se nastave ove aktivnosti što kaže kolega Bijedić da alternativna neka rješenja pronalaze itd. u tom kontekstu. To je neki moj zaključak. Eto toliko ne bih više. Hvala.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala. Vijećnica Merima Softić Sprečić, a neka se pripremi vijećnik Zijah Rifatbegović.

**MERIMA SOFTIĆ SPREČIĆ – vijećnik Socijaldemokratske partije**

Hvala zamjenice predsjedavajuće. Pozdravljam sve prisutne kolege i kolegice vijećnike, predstavnike medija, sve goste i predstavnike preduzeća. Evo ovako. Ja neću diskutovati o preduzećima. To su radile moje kolege sa kojima se slažem, samo ću imati dva zaključka.

Obzirom da se radi evo ovdje o preduzećima centralno grijanje, vodovod i kanalizacija i da smo imali već rasprave o nekim drugim preduzećima i da ćemo imati opet u budućnosti, ja bih volila jedan zaključak koji se tiče izvođenja radova ali tih velikih projekata kao npr. sad u Mjesnoj zajednici Slavinovići kod postavljanja vodovodnih i kanalizacionih cijevi, odnosno zamjena starih novima, pa će biti asfaltiranje. Čisto iz razloga znači, obzirom da se radi o velikim projektima da građani tih područja u kojima se vrše sanacije i velike rekonstrukcije da se postavi jedna informativna tabla o izvođaču radova i okvirnom roku završetka istih. U sinergiji naravno sa preduzećem koje izvodi radove, u sinergiji sa Službom za komunalne poslove, izgradnju i poslove mjesnih zajednica. Sve mjesne zajednice već i imaju one informativne table koje se obično nalaze na nekim taksi štandovima, na nekim mjestima koji su vidljivi svim građanima, pa možda samo neka informativna obavijest o izvođenju tih radova evo i okvirnom završetku. Što se tiče tog zaključka evo rekla sam.

A drugi je upućen Tržnicama-pijace naravno da preduzeće razmotri mogućnost, ako to neće narušavati izgled našeg lijepog Trga da bar u večernjim satima na nekom rubnom mjestu u blizini Trga postave jedan do dva štanda koji bi mogli iznajmiti zakupci koji preprodaju igračke, balone. Sve one stvari koje možemo vidjeti na Trgu, a koje najviše privlače pažnju djece. Neka razmotre tu mogućnost nekom analizom dal to neće narušavati evo izgled Trga, dal to može ići na neka rubna mjesta čisto evo da zadovoljimo i te ljude koji bi na taj način iznajmili tezgu, prodavali, a sa druge strane oslobodili prostor. Znači, nadovezujem se na inicijativu Selme koja je ovako nešto imala čini mi se u svom obrazloženju vezano za one klupe koje su na neki način, nema prostora da se na njih sjedne. Eto toliko. Hvala.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala. Vijećnik Zijah Rifatbegović, a neka se pripremi vijećnica Selma Čatibušić.

**ZIJAH RIFATBEGOVIĆ**

E hvala ljepo. Ja ću vrlo kratko. Neću dugo. Najprije da kažem da će se podržat sve tri ova izvještaja i mislim da su korektno urađena obzirom na okolnosti sve koje su iza nas i pred nama. Želim se nadovezat samo na, na diskusiju prethodnih govornika a odnosi se na CENTRALNO GRIJANJE i kapacitete centralnog grijanja.

SDA je priložila kao prijedlog amandmana kod usvajanja Budžeta i rebalansa Budžeta da već približno šest hiljada domaćinstava nije uključeno u sistem toplifikacije. Sad kad dodamo tom broju i broj stambenih objekata koji se grade u Tuzli i neka se grade, i treba da se

grade. Taj broj će sigurno biti između osam i deset hiljada. Naravno kao što su prethodnici rekli najekonomičniji, najviše ekoloških standardima potvrđen način grijanja je upravo kao što ima grad Tuzla kroz svoju toplifikaciju.

Ja želim dat jedan prijedlog da bi trebalo kod izrade te projektne dokumentacije napraviti prioritete i napraviti bodovanje prema mjesnim zajednicama i stambenim objektima koji nisu u sistemu toplifikacije. Sigurno je da će biti pritisaka. Jest. Znači, kod izrade projektne dokumentacije predlažem da se napravi znači, kriteriji po kojima će se izvršiti bodovanje prema svim korisnicima i u mjesnim zajednicama, privatnih objekata, javnih objekata, stambenih objekata u smislu zgrada koji će biti jasno definisani na osnovu kojeg će se moći izvršiti bodovanje kako bi se krenulo u proces priključivanja na sistem toplifikacije. Neće to biti ni malo jednostavan proces. Bit će tu pritisaka da se prioritet da stambenim objektima u odnosu na privatne objekte i naravno u odnosu na određene mjesne zajednice itd. itd.

Obzirom da pripadam mjesnoj zajednici koja nije u sistemu toplifikacije. I ovo što su kolege, ekonomske cijene su vrtoglavo uznapredovale u toku prethodnih šest mjeseci i ne znamo kako će se to razvijati dalje na svjetskim tržištima i u fazi recesije koju svi najavljuju, ali bilo bi dobro da imamo znači, taj, te kriterije i te liste bodovane na osnovu kojih ćemo mi se i tako i ponašati kod prioriteta za uključenje u toplifikaciju. Eto ja sam imo toliko.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala vijećniku Rifatbegoviću. Vijećnica Selma Ćatibušić, a neka se pripremi vijećnik Nikica Vidović.

**SELMA ĆATIBUŠIĆ**

Evo ovako. Prvenstveno hvala Merimi što je došla evo na jednu konkretnu ideju za rješavanje ovog problema, jer zaista na Trgu pored toga što su sve te klupe zauzete ukoliko se te igračkice poredaju po, po podu nije dovoljno higijenski i mislim da neka dva štanda zaista ukoliko bi izgledala onako kako trebaju da izgledaju mislim da bi to bilo zaista pravo rješenje i za roditelje i za djecu koja eventualno tu kupuju i eto za te prodavače. Tako da u svakom slučaju podržavam i nadam se realizaciji ove ideje i inicijative.

Kada je u pitanju CENTRALNO GRIJANJE zaista bi bila zahvalna ukoliko bi mi direktorica i uopšte, uopšteno menadžment dao na neki način jedan veoma jasan prikaz šta je sve potrebno za uvođenje konkretno kalorimetara kada je u pitanju stara gradnja znači, koji su sve troškovi koji se moraju je li platiti i šta je sve potrebno da se odradi?

Koliko sam upućena neophodno je da kada su u pitanju vertikalne konkretno komšije kako ispod tako i iznad spratova daju dozvolu da prođu te određene cijevi.

Šta ukoliko od ne znam pet stanova u kojim se nalaze komšije jedan komšija ne dozvoljava da ta jedna cijev prođe kroz njegov stan, da li postoji neko alternativno rješenje na koji način da se taj problem riješi da bi neko ko zaista ima volju uveo kalorimetre kada je u pitanju stara gradnja?

I na kraju shodno mom vijećničkom pitanju vezano za stanove u gradu Tuzla, tj. koji su u vlasništvu ili posjedu Grada Tuzle stećena po bilo kojem osnovu.

Kada su u pitanju korisnici tih stanova tražim od Centralnog grijanja i Vodovoda i kanalizacije da mi se dostave izvještaji da li korisnici tih stanova grada Tuzle plaćaju redovno režije kada su u pitanju ova dva javna preduzeća?

I shodno s time priložila bih jedan zaključak: Obzirom da Grad Tuzla po službenoj dužnosti samo vodi računa da li oni plaćaju naknadu Gradu Tuzla, onu simboličnu za kako da

kažem boravak u tim stanovima koja iznosi da li marka po kvadratu ili nešto tako slično. Da isto tako po službenoj dužnosti vode računa da li oni redovito izmiruju režije pogotovu kada su u pitanju javna preduzeća čiji je osnivač Grad Tuzla. Jer ukoliko osoba koja je dobila na korištenje stan koji je u vlasništvu ili u posjedu Grada Tuzle ne izmiruje obaveze prema javnim preduzećima takva osoba definitivno štiti, šteti i Gradu Tuzla. Naravno uzimajući u obzir koliko se svakom građaninu prašta da može kasniti sa određenim režijama, to je svakako sve u redu. Ali ukoliko neko godinama ne plaća konkretno npr. centralno grijanje, a dobio je na korištenje stan koji je u vlasništvu Grada Tuzle, on zaista ne zalužuje da koristi takav jedan stan.

Tako da eto voljela bih da mi se dostave konkretno te informacije i da se ovaj zaključak uzme u obzir. Hvala.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala vijećnici Čatibušić. Vijećnik Nikica Vidović, a neka se za diskusiju pripremi vijećnik Omer Berbić.

**NIKICA VIDOVIĆ**

Hvala. Ja vas sve još jednom pozdravljam. Iako ću biti mudar vijećnik naravno da ću pohvaliti i pozdraviti sve ravnatelje danas prisutne ovdje.

Prokomentirao bih kratko tri ova izvješća s tim da, evo već sam u nekoliko navrata napominjao i mislim nisam sve ja to izmislio, to svugdje u svijetu se koristi. Pozivam naravno i menadžment centralnog grijanja, a i vodovoda i svih ostalih reći ću segment po segment ukratko da razmisle o vidovima grijanja koji danas postoje u svijetu.

Ja sam neki dan, tj. evo nema ni petnaest dana na prošloj sjednici dao primjer Malog Zvornika gdje imamo toplanu koja ništa nije novo. Bilo koji kvart u Minhenu ili bilo kojem drugom gradu ima svoju toplanu. Ja evo neću biti, neću ništa predviđati, nego Tuzla će morat imat svoje toplane jel svi smo mi svjesni, pogotovo ako smo u energetsom sektoru da nema šanse da ovaj vid i elektrana pokriva i zauvijek radi ovo što radi. Naselja kao što, evo već je navedeno Ši selo bi najlogičnije bilo da ima svoju toplanu i da se naravno na nju grije. Ona ide. Evo ovaj moj primjer što sam. Nije moj nego što sam ja naveo je na sječku drvenu i ima alternativu naravno uvijek jednu vrstu plina ili struju da uvijek može raditi i tada postojeće stambene objekte koje su ovom slučaju kuće možete umjesto njihovih nazovimo šporeta da se spoje na taj vid grijanja. Tako bi riješili mnoga naselja u Tuzli a dio naravno grijali iz termoelektrane na koji god ona način radila u budućnosti a ja vjerujem da će raditi dugi niz godina.

Molim. Evo zamolba je da se razmisli o tome i da se krene u realizaciju tih postojećih na to ću se nadovezati na TRŽNICE-PIJACE ako već dajemo 150, 200, 300 tisuća Tržnicama-pijacama a ne posluju dobro, mislim da taj novac treba usmjeriti u biznise koji, koji uspijevaju, a Tržnice-pijace ili pripojiti evo za parkinge ili nek ona sama postane parking pa zarađuje novac na tome, a jedan dio mali onaj što nas uvijek emotivno veže. Svaki, svaka mjesna. Ja bih volio da, da saslušate. Svaka, svaki grad i naravno općina ima svoju malu tržnicu koja je emotivna i sve to.

Osvrnut ću se na VODOVOD. Već je prošli put, evo već je godina prošla. Rečeno je da će se raditi na ovim pumpama i visinskim zonama. Ja se nadam da se na tome radi. Ja ću napomenuti i to nije ništa novo da Tuzla mora razmisliti da li to bilo Vodovod i kanalizacija ili neko dopunsko poduzeće mora i naravno za to mora Grad dat podlogu i svi ostali da se izrade



bušotine, jel mi smo planinski. Evo reći ću planinski dio. Mi imamo brda oko sebe u kojima ima vode. To manje više svi znamo. Da se razmišlja o rezervoarima. Da se nađu i iznađu novi izvori vode je li definitivno mi nećemo i ne možemo dovoziti iz Sarajeva ili iz nekog Buškog jezera vodu. Naravno neću navodit ovo već postojeće, nego ćemo tražit vodu koja je ispod nas, pored nas i to i tako snabdijevat naselja. Vrlo jednostavno, korisno rješenje. Definitivno ga imamo i u tuzlanskom prostoru, ne samo u Tuzli. Naravno i individualno su to ljudi radili. Ako ljudi mogu kuću svoju napraviti naravno za jedno naselje ili jednu mjesnu zajednicu je to jedno adekvatno super rješenje na kojem bi naravno ja evo apeliram da gazduje tome Grad. Naravno kroz Vodovod i kanalizaciju i samim tim prihoduje finansije i koristi ih naravno dalje za, za snabdijevanje i za sve ono što bi povećalo kvalitetu života u Tuzli.

Toliko od mene i evo zamolit ću dok sam evo u prigodi da, volim ove zaključke da budu odvojeni. Znam da će nas malo možda usporit, ali nisam, za neke ni-sam zaključke, za neke jesam. Ne bi volio da se zajedno izjašnjavamo za njih, jel ima i nekih logičnih i nelogičnih, ali bih volio da ne idu zajedno. Poziv, poziv i evo pozdrav i nastavite sa još većim radom ali predlažem da možda svi zajedno i uz tehničke neke i evo ovdje imamo i sveučilišne profesore da povežete, da se svi povežemo što se tiče struke i iznađemo najbolja rješenja, jel ovdje sigurno dva segmenta i centralno grijanje i vodovod možemo unaprijedit i mislim da to treba smatrat jednom pozitivnom, pozitivnim jednim sugestijama. Hvala vam.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Zahvaljujem kolegici Vidović. Kolegici. Kolegi izvinjavam se Vidović. Vijećnik Omer Berbić, a neka se pripremi vijećnik Admir Čavalić.

**OMER BERBIĆ**

E hvala ljepo. Pa evo zadnjih dana smo vidjeli neke stvari u medijima koje su zaista zabrinule i mene i ostatak grada Tuzle, pa da tako kažemo i neke dijelove regije gdje su to mediji prenjeli i to zaista pokazuje šta se u zadnjih 20 godina dešavalo sa gradom Tuzla. Koliko je tu nerada i nemara, koliko su sve, sva systemska rješenja zapuštena. Prosto mi je nevjerovatno da su isti ljudi koji su sada pustili da ovo dođe u ovaku situaciju nekada rješavali vodu iako je i to pod upitnikom ko je taj dio rješavao. Ne mogu da vjerujem zaista da, da ljudi koji su, evo fale se da su neke systemske stvari rješavali da su dopustili da javna preduzeća dođu u situaciju da im je kapacitet prepun što se tiče barem ovog centralnog grijanja, a da nemamo mogućnosti da to saniramo sigurno u idućih četiri pet godina. Tako da sada su i građani i investitori i svi ostali pušteni na milost i nemilost da kažem tako tržišta i peleta i sječke i toplotnih pumpi i x-y stvari što znači da ćemo imati stvarno veliki problem.

Shodno tome ja ovdje predlažem zaključak što se tiče samog centralnog grijanja i zaključak je ispred kolege Čavalića i mene: Da Gradsko vijeće zahtjeva pod hitno da nadležne službe i menadžment centralnog grijanja nađu rješenje za veliki problem manjka kapaciteta, te da na idućem Kolegiju već dobijemo dvije najbolje moguće opcije po procjeni društva sa procjenama troškova investicije, mogućih Grantova, te ostalih rješenja.

Mislim da je stanje izuzetno alarmantno i da već na idućem Kolegiju se o ovome mora početi raspravljati, mora početi pričati i da moramo, da moraju Gradske službe i menadžment ovog javnog preduzeća sjesti zajedno, naći dva najlogičnija rješenja. Da znamo koliko nas to košta šta nam to znači i na kraju krajeva da vidimo da li postoje neki Grantovi koje možemo iskoristiti da Grad Tuzla ne plaća 100%. Evo ja tu predlažem možda da se uključi Udruženje

za razvoj „Nerda“ koji su i prije dobijali neke Evropske projekte itd. da vidimo koliko toga se može odatle, odatle dobiti.

Također me zanima šta se dešava ovdje sa ovom prijavom, odnosno sa procesima koje je tužilaštvo pokrenulo?

I moram da naglasim jednu stvar, a to jeste da apsolutno ne zamjeram ništa od ovog trenutnom rukovodstvu ove kompanije. Direktorica je nova. Tek je došla. Suočila se sa velikim problemima. To samo pokazuje šta se dešava ukoliko pustimo da neko vlada kompanijom preko dva mandata. Pa kao što smo pustili da neko vlada gradom preko dva mandata. U suštini mislim da je direktorica se našla trenutno u nekom neobranom grožđu sa svim problemima koji sad isplivavaju na površinu i da ovo Gradsko vijeće treba da da vjetar u leđa trenutnom menadžmentu i zajedno sa Gradskim službama da natjeramo gradonačelnika i gradsko, Gradsku upravu da nađu rješenje za ovaj problem u kojem se nalazimo. Toliko što se tiče centralnog grijanja. Znači, mislim da je ovo, da je ovo toliko hitan problem da je sve ovo što je napisano u izvještaju sekundarno, a ukoliko ne nađemo rješenje morat ćemo na neki način objasniti ljudima i našu ulogu u svemu tome, a mislim danas uloga u svemu tome treba da bude uloga ljudi koji rješavaju, a ne koji samo zataškavaju stvari.

Ovdje me također samo zanima još jedna stvar. Pošto smo dobili informacije da nema više kapaciteta. Zanima me ova „Kuća bosanskog jezika“ koja je izraz gradonačelnikovog umijeća itd. kreacije.

Zanima me na šta će se grijati „Kuća bosanskog jezika“ samo to da mi menadžment odgovori i da li će se tu napraviti iznimka u osnovu na ostale kuće ili će „Kuća bosanskog jezika“ opet bit na neke toplotne pumpe ili na nešto, nešto ovako?

I zanima me još jedna stvar.

Koliko ima zahtjeva za ugradnju kalorimetara a znamo da smo normativno-tehničke uslove promijenili, koliko je to zahtjeva i koliko se od tih zahtjeva (SABIHA MUJKANOVIĆ MUJACIĆ – Izvinjavam se reko još samo pola minute pa da...) koliko, koliko se evo od tih zahtjeva, koliko se trenutno ispunjava, te koliko je u proceduri? To je otprilike što se tiče centralnog grijanja, a javit ću se naknadno za ostale.

**SABIHA MUJKANOVIĆ MUJACIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

U redu hvala. Vijećnik Admir Čavalić, a neka se pripremi vijećnik Alen Kapidžić.

**ADMIR ČAVALIĆ**

Hvala puno zamjenice predsjedavajuće. Ja nastavljam sa zaključcima dakle, u vezi poduzeća VODOVOD I KANALIZACIJE TUZLA. Prvi zaključak je da ViK i službe, nadležne službe dakle, dostave informaciju o potencijalu i toku priključenja rubnih mjesnih zajednica na sistem vodosnabdijevanja. Ovo je nešto slično zaključku kojeg sam predložio u vezi centralnog grijanja.

Dakle, da dobijemo tabelarni prikaz šta se radi po pitanju uključivanja na sistem vodosnabdijevanja rubnih mjesnih zajednica? Jer pazite. Mi se nekad nako previše hvalimo dakle, sa vodosnabdijevanjem zaboravljajući činjenicu da imamo naselja u Tuzli, da imamo mjesne zajednice u Tuzli u dvadesetprvom stoljeću koji nemaju vode, nemaju riješeno pitanje vode. Vi se sjećate prošle godine na Kolegiju dolazile su majke koje su spominjale iz Obodnice dakle, Avdibašića i sl. Spominjale kako ne mogu jednostavno svoju malu djecu da operu kako treba, ne mogu da žive, preživljavaju šta već, jer nemaju vode. Još uvijek dobivaju vodu preko cisterni.

Dakle, moj, moje pitanje je ovdje. I zaključak je a i pitanje generalno: Da li se radi šta po pitanju uključivanja novih korisnika, a posebno ovih rubnih mjesnih zajednica?

Mislim to su stvarno strašne sudbine i trebamo zajedno raditi da riješimo to. Podrška Gradskog vijeća maksimalna treba da bude ovom poduzeću da uključi i nadležnim službama.

Dalje dajem zaključke: Da se pokrene sistem SMS obavijesti o nestanku voda u naseljima.

Dakle, ne trebaju građani da prate fejbuk stranicu. Mogu je pratit naravno al ne trebaju. Sad ne moramo svi non stop pratit hoćel nestat il neće nestat, već jednostavno mi se prijavimo. Dakle, dajemo dozvolu da hoćemo da hoćemo da dadnemo naš broj mobitela i vodovod automatski ako će negdje bit kvar pošalje SMS poruku dan ranije je idealno i kaže sutra tu neće biti vode u tom vašem naselju. Mislim da je ovo jedan efektivan način da sve građane u određenom naselju obavijestimo.

Zašto je to tako? Pohvaljujem pazite praksu fejbuk obavještavanja i obavještavanja preko medija RTV Slon, RTV 7 itd. ali mislim da je ovo još efektivnije. Neko, neko jednostavno ne prati ili nema vremena. Ne mora sad u životu pratit hoćel nestajat vode, već može jednostavno SMS obavijest gdje mu se kaže sutra neće biti vode. Ovo bi bilo naročito korisno za porodice sa malom djecom. Dakle, i inače sve porodice koje se zaista puno oslanjaju na vodu.

Drugi zaključak: Da se pokuša u granicama mogućnosti obezbjediti 27 kroz 7 telefon za informacije o nestanku vode ili kvarovima u mreži.

Ovo je dobro dakle, brojni građani se žale da nekad ne mogu dobit informacije jer završava se smjena i sl. a nadam se da možemo raditi na ovome. Dakle, kao prijedlog da idemo i dajem zaključak.

I zaključak da se generalno rupe i bilo kakva oštećenja puteva usljed ovih radova na vodovodnoj mreži u roku od 7 dana saniraju.

Evo hvala Bogu i čestitam menadžmentu imamo sad tu, taj tim za saniranje. Vidio sam bilo je i u medijima ali i potvrđeno je ovdje. Mi smo to tražili prošli put kao zaključak. Implementiram svaka čast menadžmentu.

Ali hajmo dati zaključak u roku od 7 radnih dana. Ne mora dakle, ne računam tu neradne. Dakle, 7 radnih dana.

I takođe zaključak da se odma, odma obilježi mjesto rada. Dakle, ako je rupa nastala neka na putu da se ona adekvatno obilježi i da to bude neka praksa vodovoda. Nadam se do sljedećeg izvještaja, sljedeće godine da ćemo imat dakle, implementaciju ovog zaključka i mislim da je to iskorak za poduzeće. Odmah da imaju materijale da obilježe. Da kažu oni ima. Adekvatno obilježe znak radovi, radovi na putu ili sl. a ne da onako imamo rupu i da ne znamo otkud tu i da nije obilježena i sl.

I svakako dajem zaključke da se uredi putevi u ulicama Branislava Nušića, Fridriha Kacera-Crvene Njive, ulica Bećarevac, ulica Medenice i naselju Slavinovići i Fikreta Salihovića Fikre i sve ostale dakle, ulice gdje ovaj tim može da ode sada da samo sredi ono početno stanje u stvari da ga vrati u početno stanje kako su zatekli.

Samo ću se osvrnuti još na CENTRALNO GRIJANJE imam 45 sekundi. Dakle, ovdje nije pitanje samo novogradnje i zgrada, da se razumijemo. Potencijal centralnog grijanja se tiče i fizičkih lica, odnosno kuća. Dakle, svi su ugroženi. Ako nema potencijala to se indirektno vidi kroz izvještaje i odgovore onda ne može ili nemamo motivacije da uključujemo nove korisnike jel ćemo imat problema sa temperaturom dakle, centralnog grijanja, isporučenog grijanja. Dakle, to je strateško pitanje svih građana. Čisto da ne bude lažna dilema osobe u stanovima, osobe u kućama. Ne. Dakle, izgradnja dodatnih potencijala, kapaciteta centralnog grijanja je dobra za sve i one koji žive u stanovima i one koje žive u kućama. Hvala.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala kolegi Čavaliću. Neka se pripremi vijećnik Alen Kapidžić, odnosno vijećnik Alen Kapidžić, a za drugu diskusiju se javio Omer Berbić. Replika. Recite? Repliku kome? Replika. Selma Čatibušić.

**SELMA ČATIBUŠIĆ**

Mislim da se ne javljam za diskusiju (SABIHA MUJAČIĆ MUJKANOVIĆ – OK.OK. U redu.) obzirom da se nadovezuje ovo što sam ja htjela reći. Kada je Admir spomenuo ovo SMS javljanje kada će nestati voda, samo bi eto dopunila na neki način da pogotovo se obrati pažnja da se na vrijeme putem SMS-a javi pravnim licima konkretno firmama. Joj. Izvinjavam se kolega molim vas ako može malo? Hvala. Pogotovo. (vijećnik Šefik Husić govori bez uključenog mikrofona op.a.) (SABIHA MUJAČIĆ MUJKANOVIĆ – Molim vas kolega Husiću.) (vijećnik Omer Berbić govori bez uključenog mikrofona op.a.) (SABIHA MUJAČIĆ MUJKANOVIĆ – Kolega Husiću dajte molim vas više ne dobacujte.) (vijećnik Omer Berbić govori bez uključenog mikrofona op.a.) (SABIHA MUJAČIĆ MUJKANOVIĆ – Molim vas nemojte više. Hvala. Selma molim vas nastavite.) Samo sam htjela da kažem znači, kada su u pitanju firme ili neki manji obrti zaista je važno na vrijeme javiti kada će nestati vode. Konkretno eto ja sam se zatekla u svom frizerskom salonu gdje je ženi ono bila namazana farba i šta ja znam, a nestalo je vode i onda je tu napravljena neka manja dramica. A kolegici Esani, odnosno njenom suprugu koji je hirurg u stomatologiji isto se desilo kada je čovjeku bukvalno perisao vilicu ili šta već da, da nisu imali informaciju da će nestati vode. Tako da eto da vidimo možemo li šta uraditi da se na vrijeme zaista pravovremena informacija dostavi.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Jel to to? U redu. Hvala vijećnici Selim. Alen Kapidžić, a za drugu diskusiju neka se pripremi vijećnik Omer Berbić.

**ALEN KAPIDŽIĆ**

Hvala zamjenice predsjedavajuće. Pa evo ja ću samo malo da se osvrnem, pošto je bilo diskusija i u vezi vodovoda i centralnog grijanja i Tržnica-pijaca ja ću samo malo da se osvrnem na IZVJEŠTAJ VODOVODA i da kažem da je ovo stvarno dobar izvještaj, ali evo posebno hoću da naglasim jer se evo pojavljuju neki zaključci u vezi ovih saniranja prekopa što se tiče vodovoda. Definitivno je direktor ono što je obećao na prošlom izvještaju evo ispunio. A mala sugestija kolegi Čavaliću. Ne znam jel, jel moguće to za 7 dana da se uradi jer vidite ja sam imao priliku da, da zovem i službu u vezi tih udarnih rupa, da se saniraju itd. pa su mi rekli. Al to evo za kolegu Čavalića da malo evo vidi da se ne mogu odmah sanirati rupe. Prvo se naspe taj tucanik jel, pa se sačeka određeni period. Sad ne znam kolko je to dana da ne bi ponovo došlo do slijeganja, pa tek onda ide asfalt. E to samo evo da. Mi nemamo ništa protiv tog zaključka je li. I treba naglasiti ovo da je. U izvještaju se vidi je li kolko je pokrivenost vodovodnom mrežom 97% i to piše u izvještaju dok od tog broja priključaka 80% je pokriveno kanalizacionom mrežom. I ono što je definitivno da vodovod radi svoj poso i to kontinuirano i

ovdje imate na stranici 24 da je u 2021. godini zaprimljeno i sistemski obrađeno 1043 nova potrošača.

E sad što se tiče TRŽNICA-PIJACA takođe ovdje na strani 6 je li vrlo interesantno da se ovo spominje kroz svaki izvještaj da na pijaci Simin Han, Istok mala Pijaca i centralnoj Gradskoj pijaci imaju problem sa iskorištenosti raspoloživih kapaciteta. To kad se pogleda, pogledaju ove tabele o iskorišteno kapaciteta definitivno, definitivno da pijace imaju ozbiljan problem jel, a još, još veći problem predstavlja to što se to ponavlja iz godine u godinu.

Što se tiče predloženog zaključka kolege Admira Hasanbašića mi se slažemo da se u rebalansu Budžeta planiraju određena dodatna sredstva je li, ali ono što, što mene posebno interesuje je li, da su oni dobili 130.000 maraka u Budžetu, jer je već neko spomenu da je to nekih 200.000 i mislim da je ovdje i Klub SDP-a na Budžetu predložio to povećanje da se vrati na prethodno, na prethodnu godinu je li. Međutim, ono što oni stal-no naglašavaju u svom izvještaju, a što im predstavlja poseban problem a što mi evo pređemo preko toga svake godine. A mislim da je čak i bilo zaključaka u vezi ovoga. Pogledajte na strani 11 gdje kažu razlozi za navedeno i to posebno navode za pijacu Istok. Mala pijaca jel su mnogobrojni ali po našem mišljenju najbitniji su prezasićenost tržišta, ne konkurentnost zakupaca u odnosu na druge prodavce koji se bave prodajom iste robe van pijačnih prostora.

I slažem se ja sa kolegom Čavalićem da stvarno menadžment treba razmisliti o zaključcima koje smo davali na prethodnom izvještaju jer su stvarno bili dobri, a kroz ciljeve i mjere u pravcu unapređenja poslova ja ne vidim da je, da je pa barem dio tih zaključaka ispoštovan kroz, kroz ovaj dio je li.

Ali evo ja sad dajem zaključak da stvarno molim jer se ovo konstantno ponavlja kroz svaki izvještaj. Ljudi tra- že da Služba za inspekcije izađe i radi svoj poso, da se bavi ovim problemom. Ali ja ne bi to samo stavio na Službu za inspekcije. Ja tražim da Služba za inspekcije zajedno sa menadžmentom ovog preduzeća izađe i da pokušaju da riješe ovaj problem. A čini mi se da je jedan od zaključaka bio i na prethodnom izvještaju da smo rekli da se pokuša smanjiti cijena zakupa kako bi se uveli novi, novi zakupci i koliko sam razgovarao tad s direktoricom ne treba im puno novih zakupaca da bi to bilo isplativo. I mislim da stvarno o ovom, o ovom problemu trebamo voditi računa i evo da, da. Na kraju krajeva ovo se na svakom izvještaju pominje da, da ljudi imaju ovaj problem i mislim da stvarno više inspekcija treba, treba da, da hajde da kažemo da se angažuje na rješavanju ovog problema. Eto hvala. Toliko.

**SABIHA MUJKANović MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala. Imamo najprije replika. Admir Čavalić.

**ADMIR ČAVALIĆ**

Samo replika. Dakle, prihvatam sugestiju kolege Kapidžića. Ja ću samo izmijeniti vlastiti zaključak dakle, da se to rješava u najmanjem mogućem razumnom roku i ne odustajem od onog zaključka. Mislim da je on još bitniji. Da se samo označi dakle, uvijek ta rupa. Pogotovo ako je veća rupa na putu da bude označeno i da to bude neka praksa a mislim da će ViK napraviti izuzetan iskorak ako evo prihvati te sugestije i pogotovo za ono obavješavanje. Vidjeli ste maloprije kolegica Selma dakle, kakve slučajeve, nedobog dakle, i neke operacije i sl. to bi bilo zaista dobro da se svi obavijeste.

I dajem takođe u vezi ViK-a zaključak da se u naselju Moluhe, Admira Dedića 179 pod hitno uvede kanalizacija, kanalizaciona mreža. Bio sam dole. Bili smo i kolega ja i Omer.

Moguće je da će doći do fizičkog sukoba između mještana toliko je dakle, situacija uzavrela, jer čitava njiva je poplavljena sa onim što treba da ide u kanalizaciju. Tako da, a ima i male djece i sl.

Ja dajem jednu urgenciju, jedan hitan zaključak da se čim prije obiđe to da se vidi kakve su mogućnosti i da se uvede kanalizaciona mreža dakle, u Admira Dedića 179 naselje Moluhe. Hvala puno.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Hvala. Kolega Omer Berbić drugi put.

**OMER BERBIĆ**

Hvala ljepo. Evo prije svega hoću da kažem da su vjerovatno izvještaji ViK-a i centralnog grijanja analitički najbolje obrađeni od svih izvještaja koje smo dobili i ono što mi se sviđa u izvještaju ViK-a jeste upravo ovo što je Admir kolega Admir prije govorio, a to je činjenica, razlika između najniže i najviše plate izuzetno prihvatljiva. I iz tog razloga moram da pohvalim ovaj menadžment preduzeća što se nije, što nije dopustio da razlika ide kao u nekim drugim preduzećima da bude četiri-pet puta veća.

I zato evo ja dajem ovdje zaključak da Gradsko vijeće traži i od ostalih javnih preduzeća i javnih ustanova da u skladu sa razmjerom plata unutar vodovoda i kanalizacije oni urade isto u svojim javnim preduzećima i svojim javnim ustanovama.

Što se tiče VODOVODA I KANALIZACIJE želim isto, kao kod kolege Jusića. Isto tako želim da urgiram na ovu ulicu Branislava Nušića gdje je auto završilo u jednoj kući upravo radi tih prekopa i radi brzina koje se tamo voze i radi same ulice koja je takve konfiguracije kakva jeste i želim da pohvalim menadžment s obzirom na to da je ispunio ono što je dao obećanje na prošlom izvještaju kada je rekao da će se napraviti taj jedan tim koji će sanirati ove prekope. Mislim da je najveći broj naših kritika tada upravo bio upućen na ove, na ove prekope i to je zaista jedna pohvalna stvar koju treba ovdje, koju treba ovdje istaknuti.

Kao i kod centralnog grijanja i ovdje me zanima koliko se ljudi prijavilo na kalorimetre a nakon što smo napravili normativno-tehničku izmjenu ovih uslova, te koliko je odrađeno takvih slučajeva evo od tada do sada?

Što se tiče samih PIJACA pa evo mi iz godine u godinu dobijamo ove izvještaje koji su takvi kakvi jesu gdje se tačno tamo govori da ima puno problema i neki problemi se tako, neki problemi se taksativno, neki problemi se taksativno i navode. Ali je zaista evo porazno što samo preduzeće nije prihvatilo niti jedan od zaključaka ovog Gradskog vijeća, niti je pokušalo npr. jedan od zaključaka za koji ja smatram da je izuzetno dobar da se proba ta korpa ubaciti u javno preduzeće Tržnice i pijace, te da što se tiče, što se tiče same korpe da ljudi imaju uvijek svježe voće i povrće. To se još uvijek, nije, nije iniciralo niti se to završilo. Ako u iduće dvije-tri godine nastavimo dobijati ovakve rezultate kakve jesu ovdje se postavlja pitanje same funkcionalnosti te centralne gradske pijace koja ima problema, ima puno praznih štandova i samim tim mislim da bi bilo puno efikasnije da se jedan dio pijace umanji, da se napravi novi BIT Centar koji će napraviti jedan bum u tom dijelu grada, da se nastavi sa privlačenjem novih investicija, u nove tehnologije itd.

Tako da evo ja predlažem zaključak Gradskog vijeća ukoliko se u iduće tri godine ne popravi izvještaj sa što se tiče zakupaca na velikoj gradskoj pijaci da se ta pijaca umanji u skladu sa kapacitetima, a da se taj prostor da BIT Centru kako bi se tu napravio novi prostor za nove, za nove investicije u nove, u nove tehnologije. Et toliko od mene. Hvala ljepo.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

Replika. Elvir Bijedić.

**ELVIR BIJEDIĆ**

Zahvaljujem. Ma samo kratko. Dakle, na tragu smo zaključka koji je kolega Berbić dao u smislu dakle, da se po uzoru na vodovod i kanalizaciju i na ostala preduzeća rukovode sa korekcijom plata, ali molim vas. Samo ukoliko ste naravno za. Da ga dopunimo sa još rečenicom dakle, a imajući u vidu kvalifikacionu strukturu unutar preduzeća i rukovođenjem svim drugim zakonskim odredbama. Hvala.

**OMER BERBIĆ**

Prihvatam sugestiju. S obzirom mislim i ovdje i vodovod i kanalizacija evo navodi sve od NK-a, od nekvalifikovanih do visoke stručne spreme. Mislim razlika je, minorna razlika je hajde da kažemo eto duplo odprilike, a u ostalim preduzećima je puta pet, puta šest evo u tom, u tom kontekstu ja samo govorim da bi to trebalo i da se to isporuči naravno svim preduzećima i ustanovama. Hvala ljepo.

**SABIHA MUJKANOVIĆ MUJAČIĆ – zamjenik predsjedavajućeg  
Gradskog vijeća Tuzla,  
- samostalni vijećnik**

S obzirom da nema više prijavljenih vijećnika za diskusiju. Zaključujem raspravu i dajem pauzu od 15 minuta. Hvala. (Pauza.)

**NATAŠA PERIĆ**

Molim vijećnike da zauzmu svoja mjesta.

Prelazimo na glasanje o IZVJEŠTAJIMA O RADU I POSLOVANJU JAVNIH PREDUZEĆA

Stavljam na glasanje IZVJEŠTAJ O RADU I POSLOVANJU TRŽNICE-PIJACE D.O.O. TUZLA ZA 2021. Molim vijećnike da se izjasne. Glasanje je okončano.

Konstatujem da je IZVJEŠTAJ O RADU I POSLOVANJU TRŽNICE-PIJACE D.O.O. TUZLA ZA 2021. usvojen sa,

30 glasova za, nije bilo protiv i nije bilo suzdržanih.

Sada stavljam na izjašnjavanje izvještaj o radu i poslovanju. Molim vas tišina malo.

Sada stavljam na izjašnjavanje IZVJEŠTAJ O RADU I POSLOVANJU JAVNO KOMUNALNOG PREDUZEĆA VODOVOD I KANALIZACIJA D.O.O. TUZLA ZA 2021.

Molim vijećnike da se izjasne. Glasanje je okončano.

Konstatujem da je IZVJEŠTAJ O RADU I POSLOVANJU JAVNO KOMUNALANOG PREDUZEĆA VODOVOD I KANALIZACIJA D.O.O. TUZLA ZA 2021. usvojen sa,

30 glasova za, nije bilo protiv i nije bilo suzdržanih.

Sada stavljam na izjašnjavanje IZVJEŠTAJ O RADU I POSLOVANJU CENTRALNO GRIJANJE D.D. TUZLA ZA 2021. Glasanje je okončano.

Konstatujem da je IZVJEŠTAJ O RADU I POSLOVANJU CENTRALNO GRIJANJE D.D. TUZLA ZA 2021. usvojen sa,  
30 glasova za, nije bilo protiv i nije bilo suzdržanih.

Pozivam sekretara Gradskog vijeća, da pročita zaključke proistekle iz diskusije.

**SLAĐANA KRAJINA – sekretar Gradskog vijeća Tuzla**

Prvi zaključak:

- Gradsko vijeće Tuzla pruža punu podršku zaključku Centralnog grijanja dd Tuzla da se, zajedničkim aktivnostima u saradnji sa Gradskom upravom Grada Tuzle i Gradskim vijećem Tuzla, što prije obezbijede sredstva za potrebnu stratešku rekonstrukciju distributivne mreže, odnosno rekonstrukciju izvora toplotne energije i magistralnog vrelovoda koja podrazumjeva izradu investiciono-tehničke dokumentacije i izvođenja radova a sve u cilju proširenja vrelovodne mreže u što kraćem vremenskom periodu.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 29 glasova za, nije bilo protiv i 1 suzdržan.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od Centralnog grijanja dd Tuzla da se što prije pokrenu aktivnosti toplifikacije naselja Plane i Moluhe.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 30 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Ovdje ćemo samo dodati Centralno grijanje i resorne službe.

Sljedeći:

- Gradsko vijeće Tuzla traži od Centralnog grijanja dd Tuzla da Gradskom vijeću Tuzla dostavi informaciju o tome kada je planirana toplifikacija u svim mjesnih zajednicama na području grada Tuzle koje nisu toplificirane te da li postoje potrebni dokumenti i odgovarajuće studije.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 29 glasova za, nije bilo protiv i 1 suzdržan.



**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od Centralnog grijanja dd Tuzla i resorne Službe da se prilikom proširenja zona toplifikacije i izgradnje novog magistralnog vrelovoda, kao nezaobilazan i prioritetan dio, uradi toplifikacija naselja Bukinje, imajući u vidu činjenice da su građani ove mjesne zajednice najugroženiji te da se na području ove mjesne zajednice nalazi Termoelektrana.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 30 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla sugerira da se razmotri mogućnost da se u budžetu Grada Tuzle za 2023. godinu povećaju finansijska sredstva za Tržnice-pijace d.o.o. Tuzla a sve u cilju lakše konsolidacije i stabilnosti ovog Društva.

**NATAŠA PERIĆ**

Molim vijećnike da se izjasne. Molim? Senad. Poništavam glasanje. Ne može ima vijećnik koji nije glasao. Ponovo. Glasanje je okončano.

Konstatujem da je pročitani zaključak usvojen sa, 27 glasova za, 1 je bio protiv i 1 suzdržan.

**SLAĐANA KRAJINA – sekretar Gradskog vijeća Tuzla**

– Gradsko vijeće Tuzla traži od Javno komunalnog preduzeća Vodovod i kanalizacija d.o.o. Tuzla i resorne Službe da se pokuša riješiti problem dostavljanja vode u visinskim zonama, posebno u Gornjoj Tuzli, ugradnjom odgovarajućih pumpi.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 30 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od Centralnog grijanja dd Tuzla i resorne Službe da prioritet za izradu projektne dokumentacije i priključaka budu stambeni objekti u mjesnim zajednicama Šiški Brod i Bukinje, koji su u projektu toplifikacije planirani 2011. godine a do danas nisu realizovani.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 30 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla sugerije da se rebalansom Budžeta Grada Tuzle pokušaju izdvojiti veća finansijska sredstva u cilju stimulacije građana da pristupe alternativnim načinima grijanja.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 12 vijećnika je glasalo za, 4 je bilo protiv i 14 suzdržanih.

**SLAĐANA KRAJINA – sekretar Gradskog vijeća Tuzla**

Gradsko. (NATAŠA PERIĆ – Molim vas tišina.)

Sljedeći zaključak:

- Gradsko vijeće Tuzla sugerije menadžmentu Tržnice-pijace d.o.o. Tuzla da se uskladi iznos najviše i najniže neto plaće koja se isplaćuje ovom preduzeću.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 9 vijećnika je glasalo za, 3 su bila protiv i 18 suzdržanih.

**SLAĐANA KRAJINA – sekretar Gradskog vijeća Tuzla**

Sljedeći:

- Gradsko vijeće Tuzla traži od Tržnica-pijaca d.o.o. Tuzla da dostave izvještaj o realizaciji zaključaka Gradskog vijeća Tuzla usvojenih prilikom razmatranja ranijih izvještaja o radu i poslovanju ovog Preduzeća kao i godišnju korespodenciju sa vijećnicima (vijećnička pitanja i inicijative, prijedlozi i sugestije).

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 30 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od Tržnica-pijaca d.o.o. Tuzla da se unaprijedi disciplina plaćanja obaveza prema Tržnicama-pijacama d.o.o. Tuzla.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i 2 suzdržana.

**SLADANA KRAJINA – sekretar Gradskog vijeća Tuzla**

- Gradsko vijeće Tuzla podržava ciljeve i mjere date u Izvještaju o radu i poslovanju “Tržnica-pijaca” do.o. Tuzla.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 29 glasova za, nije bilo protiv i 1 suzdržan.

**SLADANA KRAJINA – sekretar Gradskog vijeća Tuzla**

– Gradsko vijeće Tuzla sugeriše menadžmentu Javno komunalnog preduzeća Vodovod i kanalizacija Tuzla da u tekućoj godini prošire praksu slanja e-računa i da krenu u intenzivniju kampanju promovisanja elektronskog plaćanja računa.

**NATAŠA PERIĆ**

Molim vijećnike da se izjasne. Molim vas tišina. Glasanje je okončano.

Konstatujem da pročitani zaključak nije dobio potrebnu većinu, 10 vijećnika je glasalo za, 2 su bila protiv i 18 suzdržanih.

**SLADANA KRAJINA – sekretar Gradskog vijeća Tuzla**

– Gradsko vijeće Tuzla traži od Javno komunalnog preduzeća Vodovod i kanalizacija Tuzla da izvještaj o radu i poslovanju sadrži informaciju o minimalnoj i maksimalno isplaćenju plaći.

**NATAŠA PERIĆ**

Molim vijećnike da se izjasne. (ZIJAH RIFATBEGOVIĆ – Možel ponovo i ja sam pogriješio?) Poništavam glasanje. Molim vijećnike da se ponovo izjasne.

**SLADANA KRAJINA – sekretar Gradskog vijeća Tuzla**

Ja već. Već izbrisala. Evo.

– Gradsko vijeće Tuzla traži od Javno komunalnog preduzeća Vodovod i kanalizacija Tuzla da izvještaj o radu i poslovanju sadrži informaciju o minimalnoj i maksimalno isplaćenju plaći.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 9 vijećnika je glasalo za, 1 je bio protiv i 20 suzdržanih.

**SLAĐANA KRAJINA – sekretar Gradskog vijeća Tuzla**

Sljedeći:

– Gradsko vijeće Tuzla sugeriše menadžmentu Javno komunalnog preduzeća Vodovod i kanalizacija Tuzla da se nastavi sa aktivnostima i mjerama u cilju smanjenja gubitaka u mreži ispod 30%.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 10 vijećnika je glasalo za, 1 je bio protiv i 19 suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla sugeriše da Grad Tuzla nastavi sa konkretnom podrškom u smislu davanja subvencija za energetske utopljanje te upućuje apel poslovnim subjektima da planiraju svoje finansijske aktivnosti u smislu utopljanja svojih poslovnih objekata u kojima obavljaju djelatnost kao i apel građanima za racionalniju potrošnju.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i 2 suzdržana.

**SLAĐANA KRAJINA – sekretar Gradskog vijeća Tuzla**

- Gradsko. Pardon. Gradsko vijeće Tuzla sugeriše preduzećima koja vrše sanacije i veće rekonstrukcije, mijenjaju stare i postavljaju nove cijevi da, u saradnji sa Službom za komunalne poslove, izgradnju i poslove mjesnih zajednica, postave informativnu tablu o izvođaču radova i okvirnom završetku ovih radova.

**NATAŠA PERIĆ**

Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i 2 suzdržana.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla sugeriše menadžmentu Trznice-pijaca d.o.o. Tuzla da, u saradnji sa resornom Službom, ukoliko to neće narušiti estetski izgled Trga slobode, razmotri mogućnost postavljanja na adekvatnom mjestu, u rubnim dijelovima Trga, i iznajmljivanju

jednog ili dva štanda za prodaju balona, igračkaka i slično koji se trenutno izlažu na klupama na Trgu.

### **NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 29 glasova za, nije bilo protiv i 1 suzdržan.

### **SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od menadžmenta Centralnog grijanja dd Tuzla i resorne Službe da se razmotri mogućnost da se kod izrade projektne dokumentacije, jasno odrede i definišu kriteriji na osnovu kojih će se izvršiti bodovanje i odrediti prioriteta, kako bi se krenulo u proces toplifikacije onih naselja koja nisu toplificirana.

### **NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 30 glasova za, nije bilo protiv i nije bilo suzdržanih.

### **SLAĐANA KRAJINA – sekretar Gradskog vijeća Tuzla**

– Gradsko vijeće Tuzla traži od Službe za boračko-invalidsku zaštitu, stambene poslove i integraciju raseljenih lica da dostave informaciju o tome da li osobe koje su dobile na korištenje stanove od Grada Tuzle redovno izmiruju režijske troškove pogotovu kada je u pitanju plaćanje usluga preduzeća, preduzećima čiji je osnivač Grad Tuzla.

### **NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 8 vijećnika je glasalo za, 4 su bila protiv i 18 suzdržanih.

### **SLAĐANA KRAJINA – sekretar Gradskog vijeća Tuzla**

– Gradsko vijeće Tuzla traži od menadžmenta Centralnog grijanja d.d. Tuzla i resorne Službe da za narednu sjednicu Kolegija Gradskog vijeća pripreme informaciju o mogućnostima rješavanja problema manjka kapaciteta sa prijedlogom dva najbolja rješenja projekcijom troškova investicija mogućnosti obezbjeđenja Grantova eventualne saradnje sa „Nerdom“ u cilju dobijanja Evropskih projekata.

### **NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 10 vijećnika je glasalo za, niko nije bio, 2 su bila protiv i 18 suzdržanih. Pardon. Hajmo sljedeći.

**SLADANA KRAJINA – sekretar Gradskog vijeća Tuzla**

- Gradsko vijeće Tuzla traži od menadžmenta Javno komunalnog preduzeća Vodovod i kanalizacija i nadležne službe da dostave informaciju, sa tabelarnim prikazom, o potencijalima i toku priključenja rubnih naselja na području Grada Tuzle koja nisu priključena na vodovodnu mrežu.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i 2 suzdržana.

**SLADANA KRAJINA – sekretar Gradskog vijeća Tuzla**

– Gradsko vijeće Tuzla sugeriše menadžmentu Javno komunalnog preduzeća Vodovod i kanalizacija Tuzla da se pokrene sistem SMS obavijesti o nestanku vode u naseljima.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 9 vijećnika je glasalo za, 2 protiv i 19 suzdržanih.

**SLADANA KRAJINA – sekretar Gradskog vijeća Tuzla**

– Gradsko vijeće Tuzla sugeriše menadžmentu Javno komunalnog preduzeća Vodovod i kanalizacija Tuzla da se pokuša obezbijediti da građani mogu tokom 24 sata svih dana u sedmici dobiti informacije o nestanku vode, kvarovima na mreži i slično.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 10 vijećnika je glasalo za, 2 su bila protiv i 18 suzdržanih.

**SLADANA KRAJINA – sekretar Gradskog vijeća Tuzla**

- Gradsko vijeće Tuzla sugeriše Javno komunalnom preduzeću Vodovod i kanalizacija Tuzla da se rupe i bilo kakva oštećenja na putevima usljed radova na vodovodnoj mreži saniraju u najkraćem mogućem roku.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 29 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

– Gradsko vijeće Tuzla traži od Javno komunalnog preduzeća Vodovod i kanalizacija Tuzla i Centralnog grijanja d.d. Tuzla da se odmah obilježi mjesta rada i da to bude buduća praksa.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 10 vijećnika je glasalo za, 2 su bila suzdržana i 18 suz..., 2 su bila protiv i 18 suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od Službe za komunalne poslove, izgradnju i poslove mjesnih zajednica da se urade putevi, nakon sanacije vodovodne mreže, u ulici Branislava Nušića, u naselju Crvene Njive, Medenice, u naselju Slavinovići, ulici Fikreta Salihovića Fikre kao i sve druge ulice.

**NATAŠA PERIĆ**

Molim vijećnike da se izjasne. Molim vas tišina. Glasanje je okončano.

Konstatujem da je pročitani zaključak usvojen sa, 30 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

– Gradsko vijeće Tuzla traži od Javno komunalnog preduzeća Vodovod i kanalizacija Tuzla da pravna lica na vrijeme imaju informacije o nestanku vode.

**NATAŠA PERIĆ**

Molim vijećnike da se izjasne. (HASIB HIRKIĆ - Možel ponovo glasanje?) Može. Poništavam glasanje. Molim vas malo tišine. Glasanje je okončano. Doktore? Ne može. Ne može. De ponovo. Moram. Znam. Ne može. Moram. Poništavam glasanje. Molim vas malao koncentracije. Glasanje je okončano.

Konstatujem da pročitani zaključak nije dobio potrebnu većinu, 9 vijećnika je glasalo za, 4 su bila protiv i 17 suzdržanih.

**SLAĐANA KRAJINA – sekretar Gradskog vijeća Tuzla**

Gradsko vijeće Tuzla.

- Gradsko vijeće Tuzla traži da Služba za inspeksijske poslove, zajedno sa menadžmentom Tržnica-pijaca d.o.o. Tuzla, iznađe način za rješavanje problema nelegalne prodaje i da se razmotri mogućnost smanjenja visine zakupa pijačnih tezgi uz uvođenje novih korisnika.

**NATAŠA PERIĆ**

Molim vijećnike da se...Jel? Nije. Nije. Poništavam glasanje. Poništavam glasanje. Ponovo. Mogu i ja jednom da promijenim. Stalno mijenjate boje. Glasajte. Glasanje je okončano.

Konstatujem da je pročitani zaključak usvojen sa, 30 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od Službe za komunalne poslove, izgradnju i poslove mjesnih zajednica da se u naselju Moluhe, ulica Admira Dedića 179 hitno izađe na teren, razmotre mogućnosti i uvede kanalizaciona mreža.

**NATAŠA PERIĆ**

Molim vijećnike. Molim vas nemojte dobacivat. Molim vas malo. Glasanje je okončano.

Konstatujem da je pročitani zaključak usvojen sa, 30 glasova za, nije bilo protiv i nije bilo suzdržanih. (vijećnik Šefik Husić govori bez uključenog mikrofona op.a) Izvolite. Ma evo upozoravam. Upozoravam. (vijećnik Hasib Hirkić govori bez uključenog mikrofona op.a.) Ne mogu kad su svi...Nisam ja nikog. Ja nisam nikog upozorila direktno. Ja cijelo vrijeme govorim da se uozbiljite, a mogu i poimenično.

**SLAĐANA KRAJINA – sekretar Gradskog vijeća Tuzla**

Evo sljedeći zaključak:

- Gradsko vijeće Tuzla traži i od ostalih javnih preduzeća i ustanova čiji je osnivač ili suosnivač Grad Tuzla da, u skladu sa razmjerom i korekcijom plata uposlenih u Javno komunalnom preduzeću Vodovod i kanalizacija Tuzla isto urade u svojim preduzećima i ustanovama, imajući u vidu kvalifikacionu strukturu uposlenih i ostale zakonske mogućnosti.

**NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 28 glasova za, 2 su bila protiv i niko nije bio suzdržan.

**SLAĐANA KRAJINA – sekretar Gradskog vijeća Tuzla**

Ukoliko se (NATAŠA PERIĆ – Još jedan.)

– Ukoliko se u iduće tri godine ne popravi naplata Gradsko vijeće Tuzla sugeriše da se umanje kapaciteti Tržnica-pijaca d.o.o. Tuzla a da se taj prostor da BIT centru kako bi se isti iskoristio za nove tehnologije.

**NATAŠA PERIĆ**

Molim vijećnike da se izjasne. Glasanje je okončano. Glasanje je okončano. Molim? Dobro ako nije samo ne vidim. (SLAĐANA KRAJINA – Mora glasat svako ko je u sali.)



Morate ko je u sali mora da glasa. (SLAĐANA KRAJINA – Svako ko je u sali mora glasat.) Poništavam glasanje. Molim ponovo da se izjasnite. Molim vas tišina. Pročitaj zaključak. Pročitajte.

### **SLAĐANA KRAJINA – sekretar Gradskog vijeća Tuzla**

– Ukoliko se u iduće tri godine ne popravi naplata Gradsko vijeće Tuzla sugeriše da se umanje kapaciteti Tržnica-pijaca d.o.o. Tuzla a da se taj prostor da BIT centru kako bi se isti iskoristio za nove tehnologije.

### **NATAŠA PERIĆ**

Dobro. Glasali ste. Doktorice? (vijećnik Mensur Alić govori bez uključenog mikrofona. op.a.) Ne treba. Ne treba vi ste glasali. Glasanje je okončano.

Konstatujem da pročitani zaključak nije dobio potrebnu većinu, 8 vijećnika je glasalo za, 11 je bilo protiv i 11 suzdržanih.

Više nema?

Prelazimo na sedmu tačku:

### **RAZMATRANJE I USVAJANJE IZVJEŠTAJA O RADU JAVNE ZDRAVSTVENE USTANOVE GRADSKA APOTEKE TUZLA ZA 2021. GODINU**

Predlagač je Upravni odbor Ustanove. Molim vas malo tišine. Predlagač je Upravni odbor Ustanove

Obrađivač: direktor Ustanove.

Materijal su razmatrali: Komisija za ekonomske odnose, Komisija za poduzetništvo i klubovi vijećnika.

Predlažem da i kod Javne ustanove Gradske apoteke Tuzla direktorica se izjasni vezano za pitanja pismenim putem do naredne sjednice u avgustu. Pa ko je za ovaj prijedlog? Glasanje je okončano.

Konstatujem da je pročitani zaključak usvojen sa 21... Molim? (vijećnik Hasib Hirkić govori bez uključenog mikrofona op.a.) (SLAĐANA KRAJINA – Pa ako nije poništen?) Glasajte. Glasajte. Može li Aco? (Ne može.) Ne može. Poništavam glasanje. Molim ponovo da se izjasnite o zaključku. Glasanje je okončano.

Konstatujem da je pročitani zaključak usvojen sa, 20 glasova za, 2 su bila protiv i 6 suzdržanih.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika. (Nema.) Ima. Čavalić. Vijećnik Čavalić. Izvolite. Molim vas ko je zadnji pričao da isključi? Slađana.

### **ADMIR ČAVALIĆ**

Hvala puno predsjedavajuća. Dake, moram se osvrnuti na ovaj izvještaj razumijevajući da je ovo poduzeće u proteklih nekoliko godina bilo predmet istražnih radnji. Dakle, da, da su bile brojne afere koje su se vezale za navedeno tako da je ova ustanova vrlo, vrlo prošla kroz turbulentno dakle, period i to smo raspravljali i prošle godine kada smo imali uvid u dva izvještaja. Mislim da je korektno dakle, da pohvalimo menadžment za rast prihoda koji je

evidentiran u 2021. godini posebno što se održavaju ove apoteke u rubnim mjesnim zajednicama.

Mene interesuje dakle, jedno vrlo bitno pitanje: Zašto je samo se iskoristilo 70.000 maraka od planiranih 170.000 maraka podrške Grada Tuzla ili možda nisam u pravu, a ima to navedeno dakle, u finansijskom izvještaju?

Po tome ispade da je 100.000 maraka neiskorišteno sredstava.

Da li je to dakle, do Grada Tuzla zato što nije doznačio ili apoteke nisu tražile?

Ako nisu tražile na 32 stranici one navode da im treba radi proširenja kapaciteta i održavanja apoteka u ruralnim mjesnim zajednicama.

Tako da je moj prijedlog zaključka zaista da se komplet sredstva namjenjena/doznačena apotekama uvijek iskoriste. Dakle, ako smo u Budžetu planirali 170.000 maraka za apoteke, nek se iskoristi 170.000 maraka ne vidim razloga, jer sva ostala javna poduzeća i javne ustanove niti vraćaju taj novac a mogu, koriste ga na razne dakle, u razne svrhe a mislim da je apotekama zaista to potrebno.

Apoteke traže na 28 stranici intenzivniju suradnju sa Gradom Tuzla moje pitanje je:

Kakva je ta suradnja ako se mora tražiti dakle, jel, jel postoji i sl. i koje su barijere?

Imam par konkretnih zaključaka a to su: Da se traži od Ministarstva zdravlja kantona i Zavoda za zdravstveno osiguranje da se povećaju plaćanja za dežuru.

Da se Budžet apoteka u buduće prilagodi procesu koji je pred nama. Uvođenju ovih e-recepta dakle, u smislu da bude adekvatniji.

I da se više investira u ove apoteke u rubnim mjesnim zajednicama. Mislim da je to najveći značaj ovih javnih apoteka.

I generalno me zanima da li je planirano širenje mreže javnih apoteka Grada Tuzla, dakle, da li će se širiti u neke druge mjesne zajednice u neka druga naselja?

Toliko. Još jednom čestitke menadžmentu dakle, što, što ima ostvaren rast prihoda. Hvala.

## **NATAŠA PERIĆ**

U redu. Hvala vam. Imal još neko ispred klubova vijećnika? Ako nema zatvaram.

Otvaram raspravu vijećnika. Vijećnik Omer Berbić. Izvolite.

## **OMER BERBIĆ**

I ja ću vrlo kratko ovako kao Čavalić. Moram da kažem evo Gradske apoteke po nekim mojim saznanjima su jedne od rijetkih apoteka u Bosni i Hercegovini gdje imamo javne apoteke koje su funkcionalne, koje imaju stabilan prihod, koji funkcionišu dobro tako da evo to, taj dio treba pohvaliti. Vidjelo se da je došlo i do zanaavljanja nekih objekata itd. što je dobro u ovim teški vremenima.

I evo ja bih volio samo da nam se dostavi u nekom budućem periodu iz apoteka neka komparacija sa ostalim apotekama u Bosni i Hercegovini, sa ostalim javni apotekama u Bosni i Hercegovini što bi zaista evo i u javnosti pokazalo da su naše apoteke na izuzetno, izuzetno visokom nivou. Hvala ljepo.

## **NATAŠA PERIĆ**

Hvala vama. Direktorice Vi ćete dobiti stenogram vezano za ova pitanja pa ćete odgovoriti. Nema potrebe da zapisujete da znate. Dobit ćete sve. Vijećnik Elvir Bijedić. Izvolite.

## **ELVIR BIJEDIĆ**

Zahvaljujem predsjedavajuća. Bit ću zaista vrlo kratak. Dakle, IZVJEŠTAJ O RADU I POSLOVANJU GRADSKJE APOTEKE TUZLA obzirom na tako jaku konkurenciju i na ono što ih opterećuje iz proteklog perioda dakle, to su tužbe uposlenika koje su prekeo 700.000 maraka i zaista mislim da se lavovski nose i zaista sve pohvale za direktoricu i uposlenike dakle, menadžment i uposlenike.

Dakle, s obzirom na ovakav potrebu, jer se apoteke naslanjaju na Grad Tuzlu kao osnivač dakle, ako mogu još jedan zaključak samo?

Da se nastavi dakle, da Grad Tuzla nastavi podršku za rad gradskih, za rad gradskih apoteka i u narednom periodu i dakle, na tragu sam zaključka koji je dao gospodin Čavalić a to je :

Da se traži od Zavoda zdravstvenog osiguranja Tuzlanskog kantona da se povećaju naknade za dežuru.

Vrlo je teško sad reći koji je to iznos ali dakle, ovo što je 500 maraka čini mi se na mjesečnom nivou apsolutno ne predstavlja nikakvu, apsolutno nikakvu podršku, jer da bismo imali. Ja ću vam reći. Stanujem iznad jedne apoteke i vrlo često sam svjedok. Ne radi se o gradskoj, radi se o privatnoj apoteci. Koliko ljudi dolaze tražeći lijek dakle, i u neko vrijeme daleko iza ponoći i mislim da gradska apoteka mora imati što kvalitetniju podršku građanima i u toku noći.

Dakle, sredstva koja dobijaju trenutno 500 maraka su zaista minimalna i apsolutno sam, slažem se, saglasan sam sa zaključkom gospodina Čavalića da se ta sredstva moraju, apsolutno moraju povećati.

Dakle, puna podrška i Klub vijećnika i vijećnica SDP-a će podržati ovaj izvještaj. Hvala.

## **NATAŠA PERIĆ**

U redu hvala. Da li se još neko javlja od vijećnika? Ako ne.

Zaključujem raspravu vijećnika.

Stavljam na izjašnjavaње IZVJEŠTAJ O RADU GRADSKIH APOTEKA TUZLA ZA 2021. Molim vijećnike da se izjasne. Glasanje je okončano.

Konstatujem da je IZVJEŠTAJ O RADU GRADSKIH APOTEKA TUZLA ZA 2021. usvojen sa, 20 glasova za, nije bilo protiv i nije bilo suzdržanih.

Evo sad ćemo i zaključke samo da...Izvolite Slađana ako ste?

## **SLAĐANA KRAJINA – sekretar Gradskog vijeća Tuzla**

Možda samo redosljed al hajde.

Gradsko vijeće Tuzla sugerše da se...Hoćemo sve zajedno zaključke pročitati? (NATAŠA PERIĆ – Ma ja.)

- Gradsko vijeće Tuzla sugerše da se kompletna finansijska sredstva doznačena Javnoj ustanovi Gradske apoteke Tuzla iskoriste.

- Gradsko vijeće Tuzla traži od Ministarstva zdravstva Tuzlanskog kantona i Zavoda zdravstvenog osiguranja Tuzlanskog kantona da se povećaju naknade za dežurstva.

- Gradsko vijeće Tuzla sugerše da se budžet Javne ustanove Gradske apoteke Tuzla prilagodi uvođenju e-recepta.

- Gradsko vijeće Tuzla sugerše da se više investira u apoteke u rubnim mjesnim zajednicama i

- Gradsko vijeće Tuzla traži od Grada Tuzla da nastavi podršku za rad Gradskih apoteka u narednom periodu.

### **NATAŠA PERIĆ**

Molim vijećnike da se izjasne o pročitanim zaključcima. Glasanje je okončano.

Konstatujem da su pročitani zaključci usvojeni sa, 22 glasa za, nije bilo protiv i nije bilo suzdržanih.

Prelazimo na osmu tačku:

### **RAZMATRANJE IZVJEŠTAJA KOMISIJE ZA IZBOR I IMENOVANJA**

Molim vas malo još strpljenja da završimo sjednicu.

### **SLAĐANA KRAJINA – sekretar Gradskog vijeća Tuzla**

- Komisija za izbor i imenovanja predlaže Gradskom vijeću Tuzla da se zbog greške u prezimenu prilikom dostavljanja prijedlog za izbor člana Savjeta mjesne zajednice Brčanska Malta izvrši izmjena Rješenja o izboru člana Savjeta Mjesne zajednice Brčanska Malta, broj: 01/04-A-10848-2022 od 28. juna 2022. godine, na način da se u tački I Rješenja riječi "Aldina Haračić" zamjenjuju riječima "Aldina Mujezinović".

### **NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 23 glasa za, nije bilo protiv i nije bilo suzdržanih.

### **SLAĐANA KRAJINA – sekretar Gradskog vijeća Tuzla**

- Komisija za izbor i imenovanja je razmatrala prijedlog Kluba samostalnih vijećnika za izbor člana Savjeta Mjesne zajednice Centar, te usvojila sljedeći zaključak:

Komisija za izbor i imenovanja je razmotrila te Gradskom vijeću Tuzla na izjašnjavanje upućuje prijedlog Kluba samostalnih vijećnika da se:

- Muriz Žabić izabere na dužnost člana Savjeta Mjesne zajednice Centar.

### **NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani prijedlog usvojen sa, 23 glasa za, nije bilo protiv i nije bilo suzdržanih.

### **SLAĐANA KRAJINA – sekretar Gradskog vijeća Tuzla**

- Komisija za izbor i imenovanja je razmatrala prijedlog Kluba samostalnih vijećnika za izmjenu člana Savjeta Mjesne zajednice Gornja Lipnica, te usvojila sljedeći zaključak:

Komisija za izbor i imenovanja je razmotrila te Gradskom vijeću Tuzla na izjašnjavanje upućuje prijedlog Kluba samostalnih vijećnika da se:

- Damir Delić razrješi dužnosti člana Savjeta Mjesne zajednice Gornja Lipnica,

- a da se na dužnost člana Savjeta Mjesne zajednice Gornja Lipnica izabere Mirsad Malkočević.

### **NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani prijedlog usvojen sa, 23 glasa za, nije bilo protiv i nije bilo suzdržanih.

### **SLAĐANA KRAJINA – sekretar Gradskog vijeća Tuzla**

- Komisija za izbor i imenovanja je razmatrala zahtjev Kluba samostalnih vijećnika za izmjenu Rješenja o izboru člana Savjeta Mjesne zajednice Ljubače, te je usvojila sljedeći zaključak:

Komisija za izbor i imenovanja predlaže Gradskom vijeću Tuzla da se, zbog greške u prezimenu prilikom dostavljanja prijedloga za izbor člana Savjeta Mjesne zajednice Ljubače, izvrši izmjena Rješenja o izboru člana Savjeta Mjesne zajednice Ljubače, broj: 01/04-A-10850-2022 od 28. juna 2022. godine, na način da se u tački I Rješenja riječi "Selma Gusinjac" zamjenjuju riječima "Selma Gusinac".

### **NATAŠA PERIĆ**

Molim vijećnike da se izjasne. Glasanje je okončano.

Konstatujem da je ova izmjena usvojena sa, 23 glasa za, nije bilo protiv i nije bilo suzdržanih.

### **SLAĐANA KRAJINA – sekretar Gradskog vijeća Tuzla**

- Komisija za izbor i imenovanja je razmatrala prijedlog Kluba vijećnika Tuzlanske alternative za izmjenu člana Komisije za prostorno uređenje i zaštitu okoline, te je usvojila asljedeći zaključak:

Komisija za izbor i imenovanja je razmotrila te Gradskom vijeću Tuzla na izjašnjavanje upućuje prijedlog Kluba vijećnika Tuzlanske alternative da se:

- Zulfo Mujčinović razrješi dužnosti člana Komisije za prostorno uređenje i zaštitu okoline,

- a da se na dužnost člana Komisije za prostorno uređenje i zaštitu okoline izabere Marica Iličković.

### **NATAŠA PERIĆ**

Molim vijećnike da se izjasne. Glasanje je okončano.

Konstatujem da je pročitani prijedlog usvojen sa, 23 glasa za, nije bilo protiv i nije bilo suzdržanih.

### **SLAĐANA KRAJINA – sekretar Gradskog vijeća Tuzla**

- Komisija za izbor i imenovanja je razmatrala zahtjev Kluba samostalnih vijećnika za izmjenu Rješenja o izboru člana Savjeta Mjesne zajednice Dragunja, te je jednoglasno usvojila sljedeći zaključak:

Komisija za izbor i imenovanja predlaže Gradskom vijeću Tuzla da se zbog greške u prezimenu prilikom dostavljanja prijedloga za izbor člana Savjeta Mjesne zajednice Dragunja, izvrši izmjena Rješenja o izboru člana Savjeta Mjesne zajednice Dragunja, broj: 01/04-A-10849-2022 od 28. juna 2022. godine, na način da se u tački I Rješenja redni broj 2. mijenja i glasi: Salih Beganović.

## **NATAŠA PERIĆ**

Molim vijećnike da se izjasne. Glasanje je okončano.

Konstatujem da je prijedlog usvojen sa, 21 glas za, nije bilo protiv i nije bilo suzdržanih. Nema više je li?

Pod **TEKUĆIM PITANJIMA** nije bilo ništa.

I konstatujem da je Dnevni red iscrpljen.

Svim vijećnicima i građanima Tuzle i Bosne i Hercegovine Islamske vjeroispovijesti želim u svoje ime i u ime vijećnika Gradskog vijeća Tuzla uputiti srdačne čestitke povodom nastupajućeg Kurban-bajrama sa željom da ovaj praznik dočekaju i provedu u zdravlju, miru i porodičnoj sreći. (Hvala vam.)

(S obzirom da je Dnevni red iscrpljen i 17. redovna sjednica Gradskog vijeća Tuzla zaključena ista je završena u 14:29 sati.)

## **STENOGRAM SAČINILA**

**Jasminka Delalić**

## **PREDSJEDAVALA**

**Nataša Perić, prof. s.r.**